



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

G
793



G 793



Harvard College Library

FROM

By exchange





Cover

UNIVERSITÄT
LIEBOWITZ

G 793
12236.14

DE
APOLLODORI ARTAMITENI
RELIQUIIS ATQUE AETATE.

DISSERTATIO INAUGURALIS
QUAM
AD SUMMOS IN PHILOSOPHIA HONORES
AB AMPLISSIMO PHILOSOPHORUM ORDINE
ACADEMIAE WILHELMAE ARGENTINENSIS
RITE IMPETRANDOS
SCRIPSIT
ARNOLDUS BEHR
Rhenanus.

ARGENTORATI
J. H. ED. HEITZ (HEITZ ET MUENDEL SOCH).
MDCCCLXXXVIII.

12236.14

Harvard College Library.

By Exchange

Nov. 28 1893.

**PATRIS MEMORIAE
SACRUM.**

PRAEFATIO.

Si quis fragmenta veteris scriptoris, cuius scripta temporum iniquitate perierunt, investigare atque colligere sibi proposuit, neque satis habet, ea solummodo, quae servata sunt auctoris nomine allato, collectioni suae vindicare, duae potissimum sunt rationes quaerendi, quibus adhibitis rem prospere cessuram esse sperare possit. Aut enim ita rem instituet, ut profectus a certis illius scriptoris fragmentis similia aliorum scriptorum de iisdem rebus testimonia cum illis comparet, aut ita, ut studium consumat in eruendis omnibus fontibus eorum auctorum, a quibus illum adhibitum esse aut certis testimoniis constat aut propter argumenti similitudinem aliasve causas probabile est. Atque priorem illam rationem qui sequitur, quamquam a facilitate commendatur, magnum tamen periculum est, ne quae fragmenta eum effugiant. In hoc periculum quam plurimum abest ut incidat ille, qui omnes scriptores, quos aut scit aut suspicatur illius vestigia premere, quos quoque loco auctores secuti sint, accurate inquirat. Qui ut ab illo periculo tutus ita multis difficultatibus obnoxius est; saepius enim cogitur aut revocare animos legentium ad ea, quae antea dicta sunt, aut occupare ea, quae deinceps dicturus est. Attamen cum fragmenta Apollodori Artamiteni colligere mihi proposuerim, hanc alteram quaerendi rationem adhibere malim, eo scilicet consilio, ne quae graviora me fugiant. Postquam autem absolvero de fontibus, quos adhibuerit Strabo — nam excepto uno loco

Athenaei apud hunc solum exstant fragmenta Apollodori¹ — in ea geographiae parte, in qua vestigia Artamiteni latere demonstrabo, ea quae eruero fragmenta Parthiorum, colligam atque, quantum necesse erit, illustrabo. Quare tota haec dissertatio ita divisa est, ut primum quidem videamus, qua in parte geographiae Strabonis lateant Apollodorea, deinde eius partis fontes indagare conemur, tum Apollodori fragmenta in unum corpus redacta illustremus. Atque cum quo tempore fuerit Parthiorum ille auctor, adhuc satis dubitetur, addam quaestionumculam de Apollodori Artamiteni aetate.

I.

Strabo antequam accedat ad singulas orbis terrarum regiones describendas, rationem sibi reddendam esse arbitratur, cur cum antea multi atque ii doctissimi viri ei rei operam dederint, tamen et ipse animum induxerit ut libros geographicos conscriberet. Cuius rei praeter alias causas, quas nunc afferre nihil interest, propterea sese sperat veniam impetraturum esse, quod multae orbis regiones recentissima demum aetate exploratae sint et Romanorum imperio in occidentem versus nuper dilatato et oriente fere toto subiecto a Parthis. Atque ut Romanos, qui nihil attinent ad quaestionem de Apollodoro Artamiteni instituendam, missos faciamus, de Parthis haec dicit²: οἱ δὲ Παρθυαῖοι τὰ περὶ τὴν Ὑρκανίαν καὶ τὴν Βακτριανὴν καὶ τοὺς ὑπὲρ τούτων Σκόθας γνωριμωτέρους ἡμῖν ἐποίησαν ἤττον γνωρίζομένους ὑπὸ τῶν πρότερον. ὥστε ἔχομεν ἂν τι λέγειν πλέον τῶν πρὸ ἡμῶν. Neque plura tantum verum etiam accuratiora nuper cognita esse dicit alio loco,³ ubi legitur: ἡ δὲ τῶν Ῥωμαίων ἐπικράτεια καὶ ἡ τῶν Παρθυαίων πλείον τι προσεκαλύπτει τῶν παραδεδομένων πρότερον· οἱ γὰρ περὶ ἐκείνων συγγράφοντες καὶ τὰ χωρία καὶ τὰ ἔθνη, ἐν οἷς αἱ πράξεις, πιστότερον λέγουσιν ἢ οἱ πρὸ αὐτῶν· μᾶλλον γὰρ κατωπτεύουσι. Jam vero quaerenti omnia illa in oriente

¹ A. Goethius, qui in dissertatione cui inscripsit: De font. Dionys. perieg. Goetting. 1875, apud Dionysium Artamiteni vestigia invenisse sibi videtur, haud scio an nemini persuaserit.

² I 2, 1 C. 14.

³ XI 6, 4 C. 508.

nuper explorata quis communicaverit cum Graecis, respondet idem Strabo II 5, 12 C. 118; ἀπήγγελται δὲ ἡμῖν καὶ ὑπὸ τῶν τὰ Παρθικά συγγραφάντων τῶν περὶ Ἀπολλοδώρον τὸν Ἀρταμιτηνόν, ᾧ πολλῶν ἐκείνοι¹ μᾶλλον ἀφόρισαν τὰ περὶ τὴν Ὀρχανίαν καὶ τὴν Βακτριανήν.

Apollodorum igitur Artamitenum Strabo profitetur sese potissimum sequi auctorem rerum Hyrcanicarum Bactrianarum Scythicarum. Sed contra haec poterit quispiam dicere, praeter Apollodorum licere etiam de Posidonio Rhodio cogitare, quippe qui et ipse haud ita multo ante Strabonem scripserit de rebus Parthicis. Quod etsi negari non potest, stoicum illum philosophum doctissimum inter eos esse scriptores, quos Strabo adhibuit in rebus Parthicis enarrandis, tamen locis supra allatis quos ad eundem auctorem pertinere apparet, Strabo solum significat Artamitenum Parthicorum auctorem. Nam praeterquam quod solum Apollodorum disertis verbis commemorat — quamquam enim dicit οἱ περὶ Ἀπολλοδώρον notissimo illo posteriorum Graecorum dicendi usu unum tamen significat Apollodorum — expendenda sunt verba: ,μᾶλλον γὰρ κατωπτέουσι², quae minime quadrant in Posidonium Rhodium. Quem illas unquam regiones adiisse non solum nullum exstat veterum testimonium, sed veri etiam dissimillimum est.² Strabo enim (XI 1, 5 C. 491 ss.) Posidonium erroris arguens in definienda latitudine isthmi, qui est inter Colchidem et Paludem Maeotim, commissi, hisce utitur verbis: οὐκ ὁδὸν δὲ πῶς ἂν τις περὶ τῶν ἀδελῶν αὐτῷ πιστεύσειε μηδὲν εἰκὼς ἔχοντι εἰπεῖν περὶ αὐτῶν, ὅταν περὶ τῶν φανερῶν οὕτω παραλόγως λέγῃ, καὶ ταῦτα φίλος Πομπηίου γεγονώς τῷ στρατεύσαντι ἐπὶ τοὺς Ἰβήρας καὶ τοὺς Ἀλβανούς μέχρι τῆς ἐν ἐκάτερα θάλαττης τῆς τε Κασπίας καὶ τῆς Κολχικῆς. Quibus ex verbis manifesto apparet ipsum Posidonium illas regiones non adiisse; quod si fecisset, Strabo quo maior videretur Posidonii error, non a Pompeio auctore sed a Posidonio teste oculato veritatem exegisset. De Posidonio igitur cum geographus dicere non potuerit

¹ Sic edd. Cf. p. 36 ad Fr. 1.

² Scheppegg: De Posidoni p. 7 et Schuehlein: Stud. z. Posidon. p. 28 de Posidonii itineribus in orientem factis meras coniecturas proferunt Cf. K. Müllenhof D. A. II, p. 126 ss.

,μᾶλλον γὰρ κατωπτεύεσθαι', iam dubium non est, quin illis locis solus intellegendus sit Apollodorus Artamitenus.

Videmus igitur Apollodori Artamiteni Strabonem auctoritate niti in describendis rebus Hyrcanicis Bactrianis Scythicis, quas absolvit in geographiae libri XI Cap. 6-12. De huius igitur partis fontibus nobis quaerendum est. Sed priusquam ad hanc quaestionem aggrediamur, aliud monendum est: apparet enim simul iisdem locis Apollodorum illarum rerum auctorem esse recentissimum. Quare ubicumque in illis regionibus describendis Strabo auctores citat ,τοὺς νῦν' vel simuli utitur genere dicendi, habemus Artamiteni vestigia, quae tamen quaerendum erit utrum ex ipsis ,Parthicis' fluxerint an mutuata sint ab alio scriptore, qui Apollodorum scilicet auctorem habuerit.

II.

DE AUCTORIBUS, QUOS STRABO ADHIBUERIT IN CON- SCRIBENDIS LIBRI XI CAP. 6-12.

Cap. 6 § 1.

Strabo cum incipit alteram, quam statuit (XI 1, 4. C. 490-491) Asiae partem describere, primum quidem de mari Hyrcanio agens eius circuitum exponit secundum Eratosthenem (cf. Berger: *Die geograph. Fragmente des Eratosthenes* p. 323). Tamen haec et alii Strabonis loci, qui redolent doctrinam et rationem Eratosthenis, Strabo utrum ipsius Eratosthenis libris debeat an aliorum, hac in dissertatione haud diiudicaverim: Cuius quaestionis pars soluta est a Zimmermanno in *Hermes* vol. XXIII pag. 125 ss., qui satis firmis argumentis docuit, apud Strabonem exstare descriptionem occidentalium regionum Eratosthenicam, sed retractatam et emendatam a Posidonio Rhodio. Idem num iudicandum sit de orientalibus orbis partibus, maior est quaestio, quam quae hoc loco in universum diiudicetur. Tamen de singulis locis, quid nobis videatur, exponemus.

§ 2 et 3.

Veterum de septentrionalibus gentibus varias opiniones atque fabulas Strabo iam recensuit I 2, 27 C. 33. Quem in

hac disputatione secutus sit auctorem, apparet e nomine Cello-scytharum, quod Muellenhoffius (D. A. II p. 170 ss.) ostendit inventum esse a Posidonio Rhodio. Praeter duos Strabonis locos nomen illud occurrit apud solum Plutarchum vit. Mar. cap. 11., quem locum Muellenhoffius demonstravit (ib. II p. 67 ss.) redire ad Posidonium Rhodium. Quare satis certum videtur esse, Strabonem in recensendis veterum opinionibus auctorem sequi stoicum illum philosophum. Tota autem haec disputatio cum pertineat ad extremum caput VI, illa oritur quaestio, num Apollodori quoque mentio debeat Posidonio.

Iam quae sit rerum series videamus. Reprobantur fabulosae priscorum temporum narratiunculae, diligentiae atque fidei laude ornantur Apollodori, recentis auctoris, Parthica. Nonne eundem putemus vituperare, eundem laudare? Quae mihi quidem tam arte videntur cohaerere, ut separari nullo modo possint. Quare Apollodori mentionem tribuo Posidonio Strabonis auctori.

Quod si recte se habet, Apollodorus fuit inter auctores Posidonii neque abhorret a probabilitate Straboni eius Parthica innotuisse per Posidonium Rhodium. Sed de hac re singulis locis quaerendum erit.

Cap. 7 § 1.

Litora maris Caspii sive Hyrcanii tum primum a Graecis accuratius cognita sunt, postquam Patrocles iussu regis Seleuci Nicatoris (cf. Berger, l. c. p. 94 ss. Neumann in Herm. vol. XIX p. 184 ss.) illa classe adiit. Cuius vestigia secutum esse Eratosthenem in illo mari describendo satis notum est. Quae vero Strabo narrat Patrocle auctore citato, Bergerus suo iure vindicavit Eratostheni. Tamen, ut iam supra diximus, admodum dubium est, num ex ipsius Eratosthenis libris ea omnia sumpserit geographus.

Atque hoc quidem, quem tractamus, loco plurima possunt ad Eratosthenem redire. Nam quae Strabo in huius libri cap. 6 § 1 exponit de circuitu maris Caspii, ab Eratosthenis auctoritate pendere iam supra vidimus. Quare dubitari non potest, quin hoc quoque loco, ubi copiosius eadem repetuntur, Eratosthenis appareat doctrina. Quod probatur etiam singulis rebus hic

relatis. Nam de sinu huius maris cum Curtius Rufus VI 4, 16 dicat : ,Namque perpetua vallis iacet usque ad mare Caspium patens, quo duo terrae eius velut brachia excurrunt : media flexu modico sinum faciunt lunae maxime similem, cum eminent cornua nondum totum orbem sidere implente⁶ haec e Patroclis libro sumptum esse putabimus a Clitarcho, quem usum esse Patrocle apparet alio Curtii loco, qui est VI 4, 19 : ,Et quidam credidere non clausum mare esse sed ex India in Hyrcaniam cadere, cuius fastigium ut supra dictum est perpetua valle submittitur⁶ (cf. Plin. n. h. VI 38. Agathem. III 13). Quae deinde gentes enumerantur a Strabone, occurrunt apud Eratosthenem (fr. III B 68), dico Albanos Cadusios Amardos Anariacos. Gelae autem Cadusii sunt (cf. Olshausen in Herm. v. XV p. 326 ss.). De serie autem nominum immutato confer, quae exposuit Neumannus in Herm. vol. XIX p. 171 ss.

Quod si pleraque nituntur auctoritate Eratosthenis, tamen nonnulla leguntur in hac paragrapho, quae aliunde sumpta esse apparet. Nam primum quidem animadvertendum est illud ,Δάας οἱ νῦν προσταγορεύουσι τοὺς ἐπωνομαζομένους Πάρκους⁶ quod ad Apollodorum Artamitenum redire indicatur verbis ,οἱ νῦν⁶. Adde quod scriptores rerum ab Alexandro gestarum prope Jaxartem collocavere Dahas. Cf. Arrian. exped. Alex. III 28, 8, Curt. Ruf. VII 4, 6. VIII 4, 8. Idem visum esse Eratostheni, qui in hisce regionibus describendis totus pendebat a scriptoribus rerum Alexandri, admodum probabile est.

Quare quae in hac paragrapho narrantur de Dahis, non ad Eratosthenem possunt redire sed, ut puto, Artamiteno debentur, per quem notitiam Scytharum nuper auctam esse supra praedicat Strabo ex auctoritate Posidonii.

Quae cum ita sint, valde sit verisimile totam hanc paragraphum sumptam esse e Posidonii libris praeter illum locum, qui est de Parrhasiis. Qui repetitur a Strabone XI 14, 14 C. 531, ubi refert ,archaeologiam Armeniacam⁶, quam pendere a Theophane Mytilenaeo ostendit W. Fabricius (Theophanes von Mytilene und G. Dellius als Quellen der Geographie des Strabon p. 79 ss. et pag. 126).

Hyrcaniam deinceps Strabo narrat opulentissimam esse et propter regionis situm et propter urbium numerum atque magnitudinem et propter ea, quae ibi gignantur terra.

Fertilitatis autem Hyrcaniae testimonia a Strabone iam exhibita II 1, 14 C. 73 leguntur etiam apud scriptores rerum Alexandri. Confer enim Curt. Ruf. VI 4, 21 et Diodor. Sicul. XVII 75, 4 (adde etiam Onesicriti fr. 3 et 4). Neque tamen Clitarchus, a quo fontem a Curtio adhibitum et Diodorum Siculum in rebus Alexandri narrandis pendere satis constat, illorum testimoniorum ad Hyrcaniae fertilitatem pertinentium Straboni videtur auctor fuisse; nam et eo quem tractamus loco et illo libri II cum Hyrcania comparantur Sacasene et Araxene atque ita quidem, ut facile appareat et fertilitatis illa argumenta et Sacasene Araxenaeque comparisonem ex eodem fluxisse fonte. Quem fontem Theopanis fuisse librum docet W. Fabricius l. c. p. 80 et 136. Theopanes enim ea, quae Clitarchus memoriae tradiderat Hyrcaniae fertilitatis testimonia, comparavit cum iis, quae ipse expertus erat in Armenia, atque e Theopanis libro sua sumpsit Strabo.

Quod si recte putamus, ne illa quidem, quae sequuntur inde a ,τῆς μέντοι' usque ad ,ἑρτά' (p. 509), possunt non Theopanis esse. Tam arte enim cohaerent cum antecedentibus, ut ab iis vix dirimi possint. Quare arbitror haec quoque esse Theopanis. Quod probatur etiam alio argumento, quod petatum est e rerum ordine a Strabone adhibito. Nemo enim ignorabit, res a Strabone in hac paragrapho neque luculenter dispositas esse neque eleganter. Sententiarum enim ordo est hic: Primum quidem absolvitur de urbibus Hyrcaniae eiusque fertilitate. Tum exhibentur causae cur Hyrcania non ea, qua debebat, cura atque diligentia culta sit. Qua re ad finem perducta subito aliud Hyrcaniae fertilitatis affertur testimonium, quod videbimus redire ad Eratosthenem. Nonne apparet, concinnius Strabonem dicturum fuisse de Hyrcaniae arboribus una cum reliquis Hyrcaniae fertilitatis testimoniis? Cur igitur totam illam interposuit digressionem de Hyrcania a cultoribus neglecta? Quod cur factum sit, apertum est. Noluit Strabo Theopanis et Era-

tosthenis narrationem contaminare eamque ob rem non prius hunc induxit loquentem quam perorasset ille. (Similiter orationem dispositam esse a Strabone XI 2, 12 C. 495-496 ostendit Neumannus, Kaukasien p. 336.) Qua re cognita eo magis adducimur ut credamus Theophanis verba pertinere usque ad ,φησι δ' Ἀριστόβουλος', unde incipit fragmentum Eratosthenis.

Nam Aristobulum, qui ibi citatur, non ipsum hoc loco adhibitum esse a Strabone apparet ex alio loco. Legimus enim in I. XI 7, 4 C. 510 : ,Ερατοσθένης δέ φησι καὶ ἐν τῇ Ἰνδικῇ φέρεσθαι ἐλάτν'. Hoc igitur loco Strabo narrat secundum Eratosthenem, quod illo contendit ab Aristobulo traditum esse. Unde sequitur Aristobulum ab Eratosthene testem esse allatum, et Strabonem ex Eratosthenis libro exscripsisse et verba illa ad arbores Hyrcaniae pertinentia et nomen Aristobuli. Quare huius paragraphi extrema Bergerus debebat inter fragmenta Eratosthenis geographica recipere.

§ 3.

Multi saepe viri docti atque maxime homines rei geographicae periti quaesiverunt, qui esset fluvius Ochus, quem dicerent veteres, atque hanc quaestionem solvere ad id tempus desperavere. Quare Walker in Encyclop. Brit. vol. 18 p. 104 dicit : « The Ochus has still to be discovered ». Sed omnium haec virorum doctorum studia vana fuisse auctor mihi est Neumannus; neque enim ita rem instituendam esse ut quaeratur, qui omnino fuerit fluvius Ochus veterum, sed ubicumque mentio fiat Ochi, semper examinandum esse, quem quoque loco annem hoc nomine appellaverit scriptor. Tam varia enim de eo tradi atque ea inter se diversa, ut nullo pacto eundem semper fluvium intellegere liceat. Hanc ipsius sententiam ut hoc loco copiosius exponerem liberalissime mihi concessit Neumannus. Cuius officii hac occasione data ei gratias agere eo magis cupio, quod ne in reliquis quidem rebus, quae dubiae mihi erant, eius doctrina atque opera mihi umquam defuerunt.

Iam igitur quaeramus, qui quoque Strabonis loco annis dicatur Ochus et ad quem quisque locus auctorem sit referendus. Atque primum quidem nonnullos de Ocho locos proponamus, qui inter se videntur consentire.

1. ῥεῖν δὲ τὸν Ὀχρον οἱ μὲν διὰ τῆς Βακτριανῆς φασιν. Strab. XI 11, 5 C. 518.

2. οἱ δὲ κατ' ἀρχάς μὲν ἕτερον, συμβάλλειν δ' εἰς ἓν τὸ τοῦ Ὀξου ῥεῖθρον πολλαχού καὶ ἐξ καὶ ἑπτὰ σταδίους ἔχον τὸ πλάτος. Ibidem.

3. ἔνιοι δὲ τὸν Ὀχρον εἰς τὸν Ὀξον ἐμβάλλειν φασίν. Strab. XI 7, 3 C. 509.

4. τοῦ δὲ Ὀχρου ποταμοῦ πλησίον ὁρύττοντας εὐρεῖν ἐλαίου πηγὴν λέγουσιν. Strab. XI 11. 5 C. 518.

Omnibus his, quos exscripsimus, locis Aristobuli de Ocho proponitur sententia. Arrianus enim in an. III 29 eandem Oxi latitudinem statuit, quam Strabo XI. 11, 5 C. 518. Unde sequitur hunc Strabonis locum pendere ab Aristobulo. Aristobulus igitur Ochi nomine appellat fluvium quendam, qui influit in Oxum; quare eundem Strabo significat auctorem eum dicit XI. 7, 3 C. 509: ἔνιοι δὲ τὸν Ὀχρον εἰς τὸν Ὀξον ἐμβάλλειν φασίν, praesertim cum brevi post Aristobulus disertis verbis commemoretur. Deinde quod Strabo XI 11, 5 C. 518 dicit e sententia nonnullorum scriptorum Ochum fluere per Bactrianam, hoc optime consentit cum Aristobuli sententia, qui in Oxum influere putabat Ochum. Itaque huius quoque loci auctor est Aristobulus. Iam idem apud Strab. XI 11, 5 C. 518 memoriae tradit, olei fontes repertos esse prope Ochum fluvium. Confer de ea re Plut. in vit. Alex. 57 et Arrian. An. IV 15, 7 (unde Eustath. ad Dion. perieg. v. 747 hausit), qui Aristobulo auctore¹ testantur, Alexandri milites prope Oxum effodisse olei fontes, unde bonum omen sibi rex sumpsisset. Quod Strabo vult prope Ochum illud accidissee, Plutarchus et Arrianus prope Oxum, aut Strabo emendandus aut sumendum est, traditum esse ab Aristobulo fontes exstitisse prope eum locum, ubi uno alveo recipiuntur Oxus et Ochus, ita ut eodem iure Oxus legatur apud Arrianum Plutarchumque et apud Strabonem Ochus. Hoc alterum ut verisimilius putem adducor Curtii Rufi quodam loco, qui est VII 10, 14. Ubi etsi non olei fontes repertos esse vult sed aquae, tamen de eodem casu agi arbitror, quod Curtius dicit; ,rexque ipse credi voluit deum donum id fuisse.' Atque hanc rem accidissee prope

¹ Fränkel: Die Quellen der Alexanderhistoriker p. 303.

eum locum, ubi Ochus influit in Oxum etiam Curtii narratione apparet. Nam quamquam brevi ante dixerat, „ad flumen Oxum perventum est“ tamen historiola illa narrata pergit hisce verbis : „superatis deinde Ocho et Oxo ad urbem Margianam pervenit“. Significatur igitur locus haud ita procul ab utroque fluvio situs.

Iam cum Alexander haud procul a Bactris urbe transierit Oxum, consequitur Aristobuli Ochum intellegendum esse eum fluvium, quem veteres appellabant Bactrum¹ vel Zariaspem,² nostrae vero aetatis homines Balkhab vel Dehas.³ Quem fluvium olim influxisse in Oxum multa exstant veterum testimonia ;⁴ nunc autem propter multos canales ex eo deductos in agros inops aquarum evanescit in desertis locis. Qua de re Geigeri verba sunt haec : Durch die Kanalisierung ist die Wassermenge des Balkhab derart geschmälert, dass er wenig unterhalb (der Stadt Balkh) im Sande der Steppe sich verliert und den Oxus nicht erreicht ; doch begegnet man noch bis zur Hälfte des Weges, über eine Tagereise weit, den Spuren des durchsickernden Wassers in der Wüste.⁵

Aliis Strabonis locis Ochus exhibetur usque ad ostium ab Oxo diversus esse :

1. οἱ μὲν ἕτερον τοῦ Ὠξοῦ μέχρι τῶν ἐκβολῶν νοτιώτερον ἐκείνου, ἀμφοτέρων δ' ἐν τῇ Ὑρκανίᾳ τὰς εἰς τὴν θάλατταν ὑπάρχειν ἐκρῶσεις. Strab. XI 11, 5 C. 518.

2. διαρρεῖται δὲ καὶ ποταμοῖς ἡ Ὑρκανία τῷ τε Ὠρῷ καὶ Ὠξῷ μέχρι τῆς εἰς θάλατταν ἐκβολῆς, ὧν ὁ Ὠρος καὶ διὰ τῆς Νησαίας ῥεῖ. Strab. XI 7, 3 C. 509.

3. οἱ δὲ παρ' αὐτὴν (scil. Βακτριανὴν ῥεῖν τὸν Ὠρον φασί) Strab. XI 11, 5 C. 518.

4. ἐκ γὰρ τῶν αὐτῶν ὁρῶν τῶν Ἰνδικῶν ἐξ ὧν ὁ τε Ὠρος καὶ ὁ Ὠξος καὶ ἄλλοι πλείους, φέρεται καὶ ὁ Ἰαξάρτης, ἐκδιδῶσί τε ὁμοίως ἐκείνοις εἰς τὸ Κάσπιον πέλαγος πάντων ἀρκτικώτατος. (XI 7, 4 C. 510)

Huc accedit Plinii locus simillimus ei, quem tertio loco supra proposuimus :

¹ Curt. Ruf. VII 18. Plin. n. h. VI 48; 52.

² Strab. XI 11, 2 C. 516. Ptolem. geogr. VI 11. Ammian. Marc. XXIII 6, 57.

³ Geiger: Ostiran. Kultur im Alterth. p. 60.

⁴ Strab. XI, 11, 2 C. 516. Plin. n. h. VI 52. Ptolem. geogr. VI 11.

⁵ l. c. p. 68.

5) gens (scilic. Bactrianorum) includitur flumine Ocho. Plin. n. h. VI 48.

Apud Strabonem XI 11, 5 C. 518 Ochus appellatur fluvius, qui prorsus ab Oxo diversus atque in meridiem magis influat in mare Hyrcanium. Hanc Polycleti de Ocho sententiam esse apparet alio Strabonis loco qui est XI 7, 4 C. 510. Sunt autem duo fluvii qui hisce locis intellegi possunt, dico eum qui in superiore parte hodie appellatur Herirud, in inferiore Tedschend, et eum quem veteres vocabant Margum, nos Murghab. Utriusque enim fluvii pars superior eundem fere tenet cursum quem Oxus. Neque in ea re haerendum est, quod cum neuter exeat in Hyrcanium mare, Polycletus Ochum contendit in mare influere. Quod eo minus premendum est, quod idem auctor Iaxartem quoque facit in mare influentem.¹

In utrumque amnem quadrat illud οἱ δὲ παρ' αὐτὴν nec non Plinii locus supra allatus.

Iam si quaerimus uter fluvius significetur a Polycleto, inde nobis proficiscendum est, quod Polycletus est unus ex scriptoribus rerum Alexandri Magni. Qui cum ad Margum amnem, quantum nos quidem scimus, numquam accesserit, alterum illum fluvium, quem Arium veteres vocant, superavit prope eum locum, ubi nunc Herat urbs sita est. Quo loco Arius fluvius, cuius superior pars nunc appellatur Herirud, eundem cursum tenet quem Oxus, ut Polycleti Ochus. Haec igitur superior Arii amnis pars fluvius Ochus est Polycleti, qui persuasum habebat, eum in mare Hyrcanium fluere sicut Oxum et Iaxartem.

Deinde legimus apud Strab. XI 7, 3 C. 509 : οὐ πάντο δ' ὑπὸ τῶν παλαιῶν ὁ Ὠχος ὀνομάζεται. Ἀπολλόδορος μέντοι ὁ τὰ Παρθικά γράφας συνεχῶς αὐτὸν ὀνομάζει ὡς ἐγγυτάτω τοῖς Παρθυαίοις ῥέοντα. Quare dubitari non potest, quin Strabo in Ocho fluvio describendo illo quoque auctore usus sit. Quare cum iam exposuerimus, quid de Ocho visum sit Aristobulo et Polycleto, reliqui de Ocho loci referendi sunt ad Apollodorum Artamitenum. Sunt autem hi :

1. εἶπειτ' Ἀρσάκης ἀνὴρ Σκόθης τῶν Δαῶν τινὰς ἔχων τοὺς Πάρ-
νους καλουμένους νομάδας παροικούντας τὸν Ὠχόν ἐπὶ τὴν Παρθυαίαν. Strab. XI 9, 2 C. 515.

¹ Apud Strab. XI 7, 4 C. 510.

2. καὶ ἡ ἔρημος ἦν ἀπὸ τῆς Ὑρκανίας ὀρίζεται ὁ Σάρνιος ποταμὸς πρὸς ἔω βαδίζουσι καὶ ἐπὶ τὸν Ὀχρον. (XI 8, 1 C. 510/511.)

Ochus igitur Appollodori, cum sit fluvius, ad quem pervenit is, qui ab Hyrcania progreditur in orientem versus, necesse est ut fluvius intellegatur, qui a meridie fluat in septentrionem versus. Nam si fluxisset ab oriente in occidentem versus, dicendum erat Straboni καὶ παρὰ τοῦ Ὀχρου, non vero ἐπὶ τὸν Ὀχρον. Porro fluebat prope Parthyaeam per sedes Daharum, quae eodem teste Appollodoro¹ sitae erant in orientali litore maris Hyrcanii ultra Hyrcanorum gentem. Quae omnia si reputaverimus, Ochum Appollodori nullum alium putabimus esse fluvium nisi eum, cuius inferiorem partem nos dicimus Tedschend. Eiusdem igitur amnis inferior cursus ab Appollodoro vocatur Ochus, cuius superior a Polycleto. Eiusdem enim fluvii partes sunt Heri-rud et Tedschend.

Postremo loco ne quid reliquisse videamur in hac de Ocho quaestione, disputare liceat de Ptolemaei geographi Ocho. Qui de Ocho haec habet:² διαρρέουσι δὲ τὴν Βακτριανὴν ποταμοὶ ἐμβάλλοντες τῷ Ὀξῷ ποταμῷ ὃς τε Ὀχος ποταμὸς κ. τ. λ. et brevi infra (§ 4) ὁ δὲ Δαργαμάνης καὶ ὁ Ὀχος καὶ αὐτοὶ πρότερον συμμιζάντες ἀλλήλοις κ. τ. λ. Duos in illa regione Ptolemaeus fluvios aquas suas miscentes collocat inde a Zariaspe, qui Balk urbis moenia praeterfluit, ad occidentem versus. Atque cum Margus iam antea³ commemoratus sit a Ptolemaeo, fluvii intellegendi sunt, qui fluunt inter Zariaspem et Margum (Balkhab et Murghab). Sunt autem in hac regione duo fluvii, qui compluribus rivis efficiuntur. Quorum alter fluit praeter Andkhui urbem, Nari hodie appellatus, alter prope Schibargan. Ptolemaeus autem, cum eum cursum teneat, ut ab occidente procedat ad orientem solem, et primo loco afferat Ochum et Dargamanen, Ochi nomine videtur appellasse Nari flumen, quoniam in occidentem magis versus sit quam alterum.⁴

Hac de Ocho flumine quaestione iam ad finem perducta,

¹ Ap. Strab. XI 7, 1 C. 508. Cf. p. 13.

² VI 11.

³ Geiger l. c. p. 60. Reclus: Géogr. univ. VI p. 487; 490.

⁴ VI 10, 1.

quos Strabo in c. VII § 3 fontes adhibuerit; facile est intellectu. Primum quidem Polycleti de Ocho refertur sententia, quem supra vidimus Ochum tradidisse in mare exire. Cum idem Polycletus diceret ὡν ὁ Ὀχος καὶ διὰ τῆς Νησαίας ῥεῖ, Strabo inde fortasse coniecit hanc provinciam non Hyrcaniae subiectam sed suae dicionis esse. Unde intellegitur, cur Strabo in fine antecedentis paragraphi dicat: τινές δὲ καθ' αὐτὴν τιθέασιν τὴν Νησαίαν. Iam ut pergamus, in paragrapho 3 inde a verbis ἔνιοι δὲ τὸν Ὀχον Aristobuli exponitur sententia, de qua supra disputavimus. Quae sequuntur, ea et apud Aristobulum legi et apud Eratosthenem testis est ipse Strabo. Quibus e verbis equidem arbitror concludendum esse, non ipsum Aristobulum ante oculos fuisse Straboni, sed, ut Patrocleum, citatum esse apud Eratosthenem. Sed etiam Polycleti illam de Ocho sententiam puto Eratostheni deberi, cum praesertim in paragrapho 4, quam totam demonstrabimus ad Eratosthenem redire, eadem Polycleti afferatur de Ocho sententia. Quod vero in extrema paragrapho 3. Apollodorus laudatur, probabile est, ne Eratosthenem quidem ipsum auctorem esse Strabonis, sed Posidonium.

§ 4.

Suo iure Strabo acerbissimis verbis vituperat Alexandri Magni comites, qui vana gloriae cupiditate commoti Maeotidem Caspiumque mare idem contenderint esse, eo scilicet consilio, ut nullam Asiae partem non adiisse viderentur Macedones. Qua in disputatione Strabonem plane pendere ab Eratosthene intellegitur his, quae in fine leguntur, verbis: πολλά δὲ καὶ ἄλλα τοιαῦτα συγκρούειν Ἐρατοσθένους πειρᾶται. Quare Bergerus totam hanc paragraphum Eratostheni debebat vindicare, id quod iam Neumannus observavit in Hermae vol. XIX p. 183 adn. (De singulis rebus cf. Curt. Ruf. VI 4, 18. VII 6, 25. Arrian. an. III 30, 7. Diod. Sic. XVII 75. Plin. n. h. VI 51. Strab. XI 7, 2 c. 509.)

§ 5.

Huius paragraphi fontem esse Eudoxum ipse profitetur Strabo; nam quod addit ,καὶ ἄλλων', hoc pertinere videtur ad testes apud Eudoxum citatos.

Cap. 8 § 1.

Verbis quae sunt ἀπὸ δὲ τῆς Ὑγκανίας θαλάττης προϋόντι ἐπὶ τὴν ἑὸν δεξιὰ μὲν ἔστι κ. τ. λ. eadem indicatur via, quae apud Strab. II 1, 3 C. 68: ἡ ἐξ ἐξῆς ἡ ἐπὶ Βάκτρα καὶ τοὺς ἐπέκεινα Σκύθας ὁδὸς δεξιὰ ἔχοντι τὰ ὄρη. Confer etiam Strab. II 1, 5 C. 69: τίνες δὲ οἱ ἀπὸ Ἀμυσὸς διὰ Κόλχων καὶ τῆς Ὑγκανίας μέχρι Βακτριῶν καὶ τῶν ἐπέκεινα εἰς τὴν ἐφ' ἃν θαλάτταν καθηκόντων ἐπ' εὐθείας τε εἶναι λέγοντες καὶ ἐπ' ἰσημερινὰς ἀνατολὰς καὶ παρὰ τὰ ὄρη ἐν δεξιᾷ ἔχοντι αὐτά; — ταῦτα γὰρ ὁ Ἐρατοσθένης λαμβάνει πάντα ὡς καὶ ἐκμαρτυρούμενα ὑπὸ τῶν ἐν τοῖς τόποις γενομένων. Hoc altero libri II loco apparet Strabonem in hac via describenda duci doctrina Eratosthenis, qui e scriptoribus Alexandri Magni sua sumpsit. Secundum eundem commemorari Gelas Cadusios Amardos sequitur ex iis, quae supra disputavimus de cap. VII § 1 fontibus (p. 9 ss.). Tauri deinde montis pars Parachodras appellatur ab Eratosthene in fr. III B 63, ubi legitur: τοὺς δὲ Καδουσίους συμφάειν Μήδων καὶ Ματιανῶν ὑπὸ τὸν Παραχόδραν. Porro si a Strabone statuitur distantia, quae inter Hyrcanium mare intercedat et Alexandream in Aria sitam, hanc partem esse eius viae, de qua supra diximus, recte monuit Bergerus (l. c. p. 244 ss.).

Videmus igitur maximam huius paragraphi partem certis rationibus referri posse ad Eratosthenem. Illa autem Ochi mentio non potest ex sententia Cyrenaei philosophi facta esse, cum significetur Apollodori Ochus. Iam parum probabile est, Strabonem propter pauca illa verba, quae sunt ,καὶ ἐπὶ τὸν ὄρον‘ adiisse Apollodori Parthica, immo haec pro certo habeo argumento, totam hanc paragraphum a geographo non sumptam esse ex Eratosthenis libro, sed Posidonii, qui iam contaminaverat Eratosthenem cum Apollodoro Artamiteno, cum praesertim supra (p. 17) Apollodori Ochus in cap. VII par. 3 nobis videretur afferri ex auctoritate Posidonii. (Cf. p. 9 et Zimmermannum in Hermae vol. XXIII p. 100 ss.)

§ 2.

Strabo cum I 2, 1 C. 14 ex auctoritate Posidonii profiteatur per Apollodorum Artamitenum accuratius cognitae esse

gentes Scytharum,¹ qui ultra Hyrcanos et Bactrianos incolant, certe exspectandum est, in earum descriptione vestigia apparere Apollodori. Atque profecto in definiendis sedibus Daharum Strabonis primarium auctorem esse Parthicorum illum scriptorem supra vidimus.² Quare ne hoc quidem quem tractamus loco licet de alio auctore cogitare. Mirum enim esset quam maxime, si idem Strabo, qui dixit: (Apollodorus) ,τοὺς ὑπὲρ τούτους Σκύθας γνωριμωτέρους ἡμῖν ἐποίησεν', tamen, cum illos describeret, alio usus esset auctore nise forte eo, quem ipsum pendere sciret ab Artamiteno. Quare non dubito initium paragraphi 2 usque ad verba, quae sunt ἐπὶ τὸ πολὺ νομάδες Apollodori Parthicis vindicare, ita tamen, ut infra videamus, num hoc quoque loco Apollodorea mutuata sint a Posidonio. Tum de Scytharum gentibus, quae Graecos expulerunt e regno Bactriano, eadem fere atque Strabo tradidisse Pompeius Trogus videtur. Legimus enim in prologo hist. Phil. XLI: «quo regnante Scythicae gentes Saraucae et Asiani Bactra occupavere et Sogdianos» atque in prologo XLII: «reges Tocharorum Asiani interitusque Saraucarum». Eodem utrumque auctore usum esse, admodum probabile est, praesertim cum haec res sit e reconditoribus neque ab ullis aliis commemoretur scriptoribus Graecis vel Romanis. Iam vero Heerenus³ probante Muellero⁴ demonstravit, Trogum in conscribendis libris 36-44 usum esse Posidonio, id quod minime refutasse mihi videtur Scheppig.⁵ Unde fit verisimile illum de Bactrianorum regno sublato locum et Strabonem et Trogum Pompeium sumpsisse e Posidonii Rhodii historiis. Iam igitur hoc quoque loco in eiusdem paragraphi spatio auctores deprehendimus Apollodorum et Posidonium Rhodium. Quare, ut supra, probabile est, ea, quae cognovimus Apollodorea esse, deberi Posidonio Rhodio. Ceterum de regno Bactriano everso conferas velim Lassen, Z. G. der

¹ Cf. p. 8 ss.

² Cf. p. 10.

³ Comment II de font. et auctorit. Trogi Pomp. in comment Gott. vol XV p. 233 sqq.

⁴ Fragm. hist. graec. vol. III p. 252.

⁵ l. c. p. 35 sqq.

gr. u. indoskyth. Könige in Baktrien, p. 224 ss. Spiegel, Er. A. v. III p. 62. Gutschmid, Gesch. Irans, p. 58 ss.

§ 3.

Inter Hyrcanos Parthyaeos Arios sita sunt loca deserta, quae hodie percurruntur a turbis Turemanorum. Quae olim Daharum catervas pervectas diripuisse adiacentes regiones Strabo narrat in § 3. Quod cum apud nullum inveniatur alium scriptorem, huius loci auctor pro certo erui non potest. Sed admodum probabile est, totum hunc locum, qui est de Dahis (inde a καὶ τῶν Δαῶν usque ad extremam § 3), ad unum auctorem redire.

§ 4.

Sacae teste Strabone olim similes in Asiam incursiones fecere atque Cimmerii Treresque, et postquam magna Asiae parte occupata redierunt, sui memoriam reliquerunt nomen Sacasenae regionis Armeniacae Sacaeorumque dies festos, qui agebantur Zelis. De Sacasena Strabo agit duobus aliis locis, quos supra retulimus ad Theophanem Mytilenaeum (II 1, 14 C. 73. XI 7, 2 C. 509. Cf. pag. 11). Atque ut illis locis ita hoc, quem tractamus, Sacasenae praedicatur fertilitas et apud Strab. XI 14, 4 C. 528 eodem sine dubio auctore Theophane. Accedit quod Strabo commemorat Pompei expeditionem in illas regiones factam, quam scimus litteris mandatam esse a Theophane. Zelensium deinde urbs aedesque commemorantur apud Strab. XII 3, 37 C. 559/560 et Zelitis regio XII 3, 31 C. 557, quibus et ipsis locis mentio fit Pompei. Quibus omnibus ex causis huius paragraphi auctor videtur esse Theophanes.

§ 5.

Herodotus I 207 testis est a Cyro, cum bellum gereret contra Massagetas, eundem dolum instructum esse, quem Strabo narrat paratum esse contra Sacas. Atque cum Strabo sit auctor, id factum esse post victoriam a Sacis reportatam, Herodotus tradit memoriae, rebus adhuc integris insidias illas factas esse. Cum praeterea nihil inveniatur apud Herodotum de Sacaeis in illius doli memoriam institutis, non licet cogitare de Herodoto

Strabonis auctore.¹ Quae quamquam ita sunt, tamen apertum est, de eadem re agere et Strabonem et Herodotum. Nam pro Massagetis positi sunt Sacae ad Sacaea, ἀπὸ λογιζῶς² explicanda. Id enim maxime videtur spectasse ille, qui Herodoti narrationem mutavit. Talia autem non ipsum Strabonem periclitatum esse, certum est. Fortasse, si licet coniecturam facere, haec quoque narratio fluxit e Theophanis historia. Neque enim abhorret a probabilitate, Theophanem, quem scimus cum Pompeio fuisse in illis regionibus, utramque Sacaeorum nominis interpretationem audivisse apud ipsos Zelenses.

§ 6 et 7.

Quae de Massagetarum moribus proferuntur a Strabone, maximam quidem partem sumpta sunt ex Herodoti libro 1. Confer enim Strabonis³ pag. 465 v. 4-7 cum Herod. I 202, 3; 7-8 = Herod. I 216, 4; 8-10 = Herod. I 216, 1; 10-14 = Herod. I 216, 2; 14-20 = Herod. I 215; 20-22 = Herod. I 202, 1; 23-25 = Herod. I 203, 3; 25 et pag. 496 v. 1 = Herod. I 203, 2; 4 et 5 = Herod. I 216, 3. Sunt tamen nonnulla, quae aut aliter exponantur aut non legantur apud Herodotum. Nam cum Strabo contendat unum Oxi — nam hic fluvius est intellegendus apud Herodotum — ostium exire in *sinum* Hyrcanium, reliqua in mare septentrionale, Herodoto placuit undequadraginta ostia hauriri paludibus, unum *mari* Caspio, quod disertis verbis affirmat cum reliquo mari non cohaerere. Nam cum Herodotus recte iudicaret de mari Hyrcanio, posterioribus Graecis post Patroclis navigationem probatum videbatur esse, Hyrcanium mare sinum esse septentrionalis Oceani.

Deinde Strabo recedit ab Herodoto, quod non paludibus hauriri vult reliqua Araxis ostia, sed septentrionali mari.

Tum, ut supra diximus, Herodoti descriptioni, cuius ordo mutatus est, nonnulla addita sunt aliunde sumpta. Sunt autem haec : ἀμπέχονται δὲ τῶν δένδρων φλοιοὺς¹ — οὐδὲ γὰρ βουτκήματα ἔχουσι — πίνουσι δὲ τὸν ἐκ τῶν δένδρων καρπὸν ἐκθλίβοντες. quae

¹ Cf. Justin. I 8.

² Adscripsi paginas et versus edit. Kramer.

³ Apud Herod. III 106 idem narratur, sed de Indis.

leguntur in paragrapho 7, et paullo infra : ἔχουσι δὲ καὶ πρόβατα ὀλίγα ὥστ' οὐδὲ κατακόπτουσι φειδόμενοι τῶν ἐρίων χάριν καὶ τοῦ γάλακτος.

Haec igitur aliena sunt ab Herodoto ; reliqua autem omnia tam sunt similia, ut dubitari non possit quin ad primum auctorem redeant Herodotum. Aequè autem certum mihi videtur esse, non ipsum Herodotum hoc loco exscriptum esse a Strabone. Namque primum quidem, ut supra vidimus, haud ita leviter mutata est narratio Herodoti. Deinde numne putemus futurum fuisse, ut Strabo, si re vera legisset Herodoti illum locum, ubi simul bellum refertur a Cyro contra Massagetarum gestum et describuntur Massagetarum mores, in paragrapho quinta illud bellum narraret contra Sacas gestum esse? Aut si fecisset, nonne adnotasset auctorem discrepantiam? Quare me quidem indice Strabo non adiit ipsum Herodotum. Immo Strabonis auctor videtur Ephorus esse, a quo Herodotum abunde exscriptum esse demonstravit Bauer.¹

<p>Ephor. fr. 76 : εἴτ' αἰτιολογεῖ διότι ταῖς διαίταις εὐτελεῖς ὄντες (οἱ Σκύθαι) καὶ οὐ χρηματισταί... πρὸς τε τοὺς ἐκτὸς ἄμαχοί εἰσι καὶ ἀνίχθαι.</p>	<p>Strab. XI 8, 7 C. 315 : αὐ- θέκαστος μὲν σκαῶς τε καὶ ἄγριος καὶ πολεμικός, πρὸς δὲ τὰ συμβό- λαια ἀπλοῦς καὶ ἀκατήλως.</p>
---	--

Confer etiam Strab. VII 3, 7 C. 300 inde a verbis τί δὲ θαυμαστόν, quem locum ad Ephorum redire satis apparet coll. fr. 76². Unum videtur obstare. Ephorus enim, quoniam fuit ante Patroclum, per quem scimus falsum illud de Hyrcanio lacu iudicium ortum esse, non sinum duxit Hyrcanium sed recte lacum. Quae tamen difficultas facile ita tolli potest ut Strabonem hac quidem in re Ephorum tacite correxisse e volgari suae aetatis sententia statuamus.

§ 8.

Legimus apud Justinum, XLI 4, 7 : «(Arsaces) accepta opinione, Seleucum a Gallis in Asia victum, solutus regis metu

¹ In Fleckeis. annalium suppl. X p. 281 sqq. Praesertim con-feras p. 342.

² Strabo utitur Ephoro tum ipso tum retractato ab Apollodoro Atheniensi. Cf. Niese, Mus. Rhen. 32 (1877) p. 283 ss.

Parthos ingressus c.» Verbis quae sunt ,solutus regis metu' indicari videtur Arsacem antea fugisse Seleucum. Idem igitur auctor videtur adhibitus esse a Strabone et a Pompeio Trogo. Quare initium paragraphi arbitror ad Posidonium redire.¹ Nam quae narrantur de Spitamenis fuga, etsi prinnariis auctoribus Aristobulo aut Ptolemaeo Lagi filio tribuenda sunt,² tamen verisimile est, hoc Aristobuli aut Ptolemaei fragmentum a Strabone inventum esse apud Posidonium.

Sequitur fragmentum Eratosthenis, quod est apud Berger. III B 63.

Cap. 9. § 1.

Strabo Parthyaean regionem memoriae tradit sub imperio Persarum cum Hyrcania in unam provinciam redactam fuisse. Aliam Herodotus exhibet rerum condicionem. Legimus enim apud Herodotum III 93, *Πάρθοι δὲ καὶ Χοράσμοι καὶ Σόγδοι τε καὶ Ἀρῖαι τριγλῶσα πάναντα νόμος ἐκτός καὶ δέκατος.*³ Parthos igitur Darius coniunxit cum Chorasmiis Sogdis Ariis. Hyrcanos vero, Orthocorybanthios vocat Herodotus, Darius attribuit Mediae provinciae.⁴

Sed haud ita raro aliter satrapiae distributae sunt. Nam postea Parthos coniunctos fuisse cum Hyrcanis e compluribus discimus locis scriptorum rerum Alexandri Magni. In pugna quidem apud Gaugamela facta Phrataphernes praeerat Hyrcanis Parthis Tapuris, atque idem appellatur satrapa Hyrcaniae et Parthyaee apud Arrian. an. III 23, 4. Atque Alexander cum Dareo mortuo profecturus esset in Hyrcanos, satrapam Hyrcaniae et Parthyaee nominavit Amminapem.⁵ Qui munus non iniisse

¹ Conf. p. 19

² Conf. Arrian. an. IV 17.

³ Ibi enim satrapiae enumerantur. E titulis, qui inventi sunt prope Behistan et Persepolim, nihil concludere licet de satrapiarum condicione. Nam in iis gentes enumerantur, non provinciae a Dareo institutae. Conf. Krumbholz: De Asiae minoris satrapis Persicis p. 2 ss Noeldeke: Göttinger gelehrt. Anz. 1884 p. 291 ss. et eiusdem: Aufsätze zur pers. Geschichte p. 34.

⁴ Herod. III 92.

⁵ Arrian. anab. III 22, 1. Curt. Ruf. VI 4, 25.

videtur; nam post id temporis summum honorem fuisse¹ apud Phrataphernem intellegitur compluribus Arriani locis, qui sunt anab. III 28, 2; IV 7, 1; 18, 1; V 20, 7; VI 27, 3; VII 6, 4.

Curtius quidem Rufus VIII 3, 17 narrat, Phratapherni ab Alexandro datas esse Hyrcaniam Mardiam Tapuriam, sed IX 4, 1 satrapam eum appellat Parthorum. Quem post Alexandrum mortuum eandem provinciam retinuisse intellegimus Diodori Siculi loco qui est XVIII 3.

Quibus omnibus apparet, sub finem regni Persarum alium provinciarum ordinem fuisse atque primi Darei aetate, et hunc ordinem ad Hyrcaniam quidem et Parthyaecam quod attinet, receptum esse ab Alexandro Magno et Perdicca. Suo igitur iure Strabo dicit: ,συνετέλει γοὺν μετὰ τῶν Ὑρκανῶν [κατὰ] τὰ Περσικά καὶ μετὰ ταῦτα τῶν Μακεδόνων κρατούντων ἐπὶ χρόνον πολὺν.“

Iam vero scimus, Posidonium egisse de Asiae satrapiis. Confer enim eius fragm. 59 apud Muell. Quare fortasse de Posidonio cogitandum est Strabonis in hac re auctore cum praesertim paullo post sequatur locus sine dubio haustus e stoici illius libris. Nam ea quae leguntur inde a verbis τοῦνομα δὲ ταῖς Ῥάγαις, cum iterum legantur apud Strab. I 3, 19. C. 60, facile est intellectu, haec non in ipsius Duridis libro inventa esse a Strabone sed apud Posidonium Rhodium [citato Duride auctore.

Atqui inter ea quae Posidonii videntur esse, occurrit fragmentum Apollodori, quod ut supra, ex Posidonii libris petiitum esse arbitror.

Ceterum Posidonii fragmentum pertinere puto usque ad finem paragraphi exceptis tamen ultimis illis verbis, quibus Marcia narratur a Catone tradita esse Hortensio Hortalo. Quod Strabonem ipsum Romae audivisse persuasum habeo. (cf. ἐφ' ἡμῶν.²)

§ 2 et 3.

De primordiis regni Bactriani Graeci Parthorumque imperio condito pauca nobis nota sunt atque ea obscura,³ quam-

¹ Scil. in Hyrcania.

² De Marcia a Catone tradita conf. Quinctil. III 5, 11. Lucan. II 338. Plut. Cat. min. 25. 52; Appian. bell. civ. II 99.

³ A. v. Gutschmid: Gesch. Irans p. 30 ss.

quam Apollodorus Artamitenus peculiarem de rebus Parthis librum composuit. Quem auctorem compluribus locis citat Strabo in rebus Bactrianis et Parthis narrandis.¹ Neque dubium est, quin is quoque locus, de quo nunc quaerimus, ad hunc redeat primarium auctorem. Nam eum Ochum, cuius accolae hic dicuntur Parni Dahae, Ochum quem dixit Apollodorus esse iam supra vidimus. Confer etiam quae idem Apollodorus de provinciis quibusdam Bactrianis a Parthis occupatis narrat apud Strab. XI 11, 2 C. 516.

Curtius Rufus VI 2, 14 haec habet: «Tanais Europam et Asiam medius interfuit. Nec dubitatur quin Scythae, qui Parthos condidere non a Bosporo, sed ex Europae regione penetraverint.» Quae opinio unde orta sit facile intellegemus, si consideraverimus, comites Alexandri, cum ad Jaxartem venissent, hunc Tanaim esse putavisse. Quare Arrianus an. III 28 Dahae prope Tanaim flumen collocat. Itaque cum Tanais putaretur Asiam dividere ab Europa,² facile fieri poterat ut Daharum origo peteretur ex Europae regione. Fortasse etiam nomen Xandiorum fuit in causis. Strabo enim XI 8, 2 C. 511. — Posidonio, ut supra suspicati sumus, auctore — Daharum gentes enumerat Aparnos Xanthios Pissuros. Xanthiorum autem et Xandiorum nomina, nisi forte codicum solummodo vitio variata sunt, admodum sunt similia. Iam vero recte sensit Scheppigius, Posidonium «ad cognationem, quam ex gentium natura et indole primum concluderat, confirmandam» inquisivisse in eorum nomina. Neque tamen ignoro, hoc non satis esse causae, cur initium huius paragraphi putemus pendere a Posidonio. Sed accedunt alia, quibus Posidonius auctor indicetur. Nam Strabo postquam ex antecedente paragrapho, ubi Apollodori vidimus vestigia apparere, repetivit Scythicam Arsacis originem, memoriae tradit, alios Bactrianum dixisse Arsacem qui metu regis Diodoti patriam reliquisset. His similia narrat Justin XLI. 4, 8 paucis sane verbis atque iis obscuris: «(Arsaces) grandem exer-

¹ XI 9, 1 C. 514; 13, 6 C. 524; 11, 1 C. 516 ss. XV 1, 3 C. 685/686.

² Arrian. an. III 3, 30, 8. Curt. Ruf. VII 7, 2 ss. Diodor. Sicul. I 55. Strab. I 4, 7 C. 65; II 4, 7 C. 106; 5, 26 C. 126; XI 7, 4 C. 509.

citum parat metu cum Seleuci tum et Diodoti Bactrianorum regis. Sed cito morte Diodoti metu liberatus cum filio eius et ipso Diodoto foedus ac pacem fecit.» Nam quid metuebat Bactrianum Diodotum, qui et ipse defecerat a Seleuco, nisi antea hunc quoque offendisset? Quod si cum eo similitudinem contraxerat, in Bactriana fuerit necesse est. Quae cum ita sint, plane cum Justino consentit Strabonis auctor. Quod si constat eo magis arbitramur Strabonis auctorem esse Posidonium, cum praesertim Posidonius testis vocetur in extrema paragrapho. Nam quod hoc demum loco nominatur auctor, nihil habet offensionis, cum haec sit consuetudo Strabonis iam ab alio notata.¹ Quod si Posidonius est auctor paragr. 3 denuo oritur ea quaestio, num Apollodori fragm., quod cognovimus supra, debeat Posidonio. Neque abhorret a probabilitate Posidonium primum quidem Parthorum incrementum narrasse secundum Artamitenum Scythamque Arsacem ex eius auctoritate dixisse, tum aliorum opiniones protulisse. Tamen desunt certa argumenta, quibus necessario modo possit effici, hoc Apollodori fragmentum mutuum esse a Posidonio. Sed cum supra (cf. p. 9) probabile nobis visum sit, Apollodori Parthica Straboni innotuisse per Posidonium Rhodium neque cetera Artamiteni fragmenta apud Strabonem servata huic opinioni obstant, hoc solum fragmentum excipere nolim. Ceterum de hac quaestione infra contextu quaeretur (cf. p. 34 ss.).

Cap. 10 § 1 et 2.

In definiendis terminis singularum Asiae regionum Strabonem pendere ab Eratosthenis ratione iam Bergerus sensit.² Neque tamen verisimile est hos terminos a Strabone exscriptos esse e libro Eratosthenis, sed potius credamus sumptos esse e tabula quadam geographica, quae utrum Eratosthenis fuerit an alius geographi, hoc uno loco diiudicari non potest. Zimmermannus quidem satis firmis argumentis ostendit³ in occidentilibus regionibus orbis definiendis Strabonem niti tabula Eratosthenis a Posidonio aucta atque correcta. Quod ita contigit Zim-

¹ Zimmermann in Herm. v. XXIII p. 125.

² l. c. p. 246.

³ l. c. p. 103 ss.

mermanno, ut ubicumque Strabo recederet ab Eratosthene, Posidonii probaret rationem apparere. Quo argumentandi genere nobis hoc loco uti propterea non licet, quod Strabo in Ariae terminis statuendis consentit cum Eratosthene. Hoc vero monendum est cum Bergero,¹ nonnullas regiones, quas Eratosthenes voluerat meridionales Asiae esse, a Strabone adnumerari septentrionali parti. Aria quidem ad septentrionalem Asiam pertinere Straboni videtur propterea, quod in ipsis Tauri montibus sita aëris natura septentrionalibus regionibus similior est quam meridionalibus.²

Ariae autem termini, ut supra diximus, exponuntur iidem, qui ab Eratosthene. Confer enim Eratosthenis fr. III B 23, ubi legitur: ἡ δὲ Βακτριανὴ τῇ τε Ἀρίᾳ πρὸς ἄρκτον παράκειται κ. τ. λ. Idem legitur apud Strab. XI 11, 1 C. 516. Quae deinde distantia dicitur inter Hyrcaniam esse et Ariam, hanc persuasum habeo partem esse illius viae ab Eratosthene descriptae, de qua supra diximus.

Ariam et Drangianam in unam provinciam redactam fuisse cum Strabo perhibet, recedit ab Herodoto, qui in tabula provinciarum supra commemorata testis est Ariam coniunctam fuisse cum Parthyaea Chorasmia Sogdiana. Drangae autem ab Herodoto eidem adnumerantur satrapiae, cui Thamanaci Sagartii Utii Myces insulanique maris Erythraei. Iam ut scriptores rerum Alexandri Magni comparemus, Arrianus an. III 21, 1 Barsaentem vocat satrapam Drangarum et Arachosiorum, Curtius VI 6, 36 Drangarum. Idem Arachosios ad defectionem excitasse narratur apud Curtium VIII 13, 3. Ariam vero solam tum temporis effecisse provinciam intelleges e compluribus locis Arriani an. III 8, 4; 25, 1, 5; 28, 2, Curtii VI 6, 13 et 20, Diodori Siculi XVII 78. Cui satrapiae praeerat Satibarzaes. Alexander autem hunc satrapiarum statum mutavit ita quidem, ut Ariam coniungeret cum Drangiana. Stasanori enim, qui Arsami successerat in satrapia,³ addidit Drangianam.⁴ Curtius sane VIII 3, 17 memoriae

¹ 1. c. p. 246 et 318.

² Cf. II 1, 14 C. 72, 73; XI 1, 4 C. 490, 491; 12, 1 C. 520.

³ Arrian. an. III 29, 5; IV 18, 1.

⁴ Arrian. an. IV 18, 3; VI 27, 3. Curt. VIII 3, 17. Justin. XIII 4, 23.

tradit iam Arsamem praefuisse Drangianis. Quod cum pugnet cum Arriano, num verum sit, admodum dubito. Id vero constat, Ariam et Drangianam in unam satrapiam redactas esse ab Alexandro. Quae rerum condicio valebat etiam post Alexandri mortem, si quidem Perdiccas hanc provinciam teneri iussit a Stasanore,¹ Antipater Stasandro dedit.²

Videmus igitur, hoc quoque loco³ a Strabone eum exprimi provinciarum statum, qui valebat sub regno Macedonum. Quare huius quoque loci auctorem duxerim Posidonium Rhodium.

Ceterum de Drangianae situ idem dicendum est, quod supra exposuimus de Aria. Nam quamquam partem Drangianae Strabo non ignorat adiacere meridionalis Tauri montibus, tamen eam addit septentrionalibus regionibus, propterea quod *τινά τῶν μερῶν καὶ τοῖς ἀρκτικαῖς πλησιάζοντα τοῖς κατὰ Ἀρίαν* habeat. Quod si provinciarum ille status exponitur ex fide Posidonii, idem sumendus est auctor huius partitionis e natura locorum magis quam e situ singularum regionum institutae.

Maiores igitur huius paragraphi pars videtur ad Posidonium redire. Ita autem si iudicamus, idem statuendum est de paragrapho altera. Nam in initio huius paragraphi ea, quae in antecedente dicta sunt de Margiana, copiosius repetuntur.

Sunt tamen in utraque paragrapho nonnulla, quae videntur aliunde sumpta esse. Nam quae sunt utriusque paragraphi extrema iterum leguntur apud Strab. II 4, 14 C. 73: *ἐν δὲ τῇ Μαργιανῇ τὸν ποθμένα φατὶν εὐρίσκεισθαι τῆς ἀμπέλου πολλάκις δύοσιν ἀνδρῶν ὀργυῖαις περιληπτόν, τὸν δὲ βότρυον διπλήγυν. Παραπλησίαν δὲ λέγουσι καὶ τὴν Ἀρίαν, εὐονία δὲ καὶ ὑπερβάλλειν, ἐν ᾗ γε καὶ εἰς τριγένηϊαν παραμένειν ἐν ἀππτώτοις ἀγγεσι τὸν ὄνον. πᾶμφορον δ' εἶναι καὶ τὴν Βακτριανὴν πλὴν ἐλαίου, πλησίον τῇ Ἀρίᾳ παρακειμένην. Haec omnia ex eodem fonte fluxisse iam sensit Cascorbi.⁴ Qui fons quis fuerit, apparet ex Strab. XI 14, 1*

¹ Diod. Sicul. XVIII 3, 3. Justin. XIII 4.

² Diod. Sicul. XVIII 39. Arrian. success. Alex. 36.

³ Cf. p. 24.

⁴ I. c. Tantum concedo Cascorbio, reliqua concedere non possum. Nam ea, quae ap. Strab. II 1, 14 C. 73 pertinent ad Hyrcaniae fertilitatem, aliunde esse sumpta supra demonstrasse mihi videor. Cf. p. 11. ss.

C. 516. Ubi cum iisdem fere verbis praedicatur Bactrianæ fertilitas, brevi post haec leguntur: καθ' ὅλου δέ φησιν ἔκείνος τῆς συμπάσης Ἀριανῆς πρόσχημα εἶναι τὴν Βακτριανήν; ἔκείνος autem est Apollodorus Artamitenus. Iam igitur dubium non est eum, quem supra excripsimus, locum vindicandum esse Apollodoro. Itaque in libr. XI cap. 10 Apollodorea inserta sunt iis, quae videntur ad Posidonium Rhodium redire. Quare haec quoque fragmenta putabimus a Strabone inventa esse apud stoicum illum philosophum.

Cap. 11, 1 et 2.

Bactrianam iisdem terminis inclusit Strabo, quibus Eratosthenes, id quod facile intelleges collato Eratosthenis fragmento III B 23.

Cuius regionis deinde fertilitatem praedicari ex auctoritate Apollodori Artamiteni et supra vidimus et alia ex causa apparet; nam si Strabo Apollodorum secutus argumentatur, Graecis illis, qui defecerint a Seleucidarum imperio atque in libertatem vindicarint Bactrianam, contigisse ut tantum sibi imperium pararent, propter fertilitatem regionis, dubitari non potest, quin eidem Apollodoro debeantur ea, quae antea de Bactriana frugum feraci dicta sunt. Apollodori igitur est tota paragraphus praeter ea, quae supra diximus a ratione Eratosthenis pendere.

Atque alteram paragraphum, qua absolvitur de Graecorum illorum regum opulentia, eidem apparet auctori tribuendam esse, praeterquam quod Sogdianorum Bactrianorumque terminus ponitur Oxus, Sogdiorum et vagarum gentium Jaxartes secundum Eratosthenem. (Confer enim Eratosth. fr. III 63.)

Itaque, ut aliis locis Apollodorea cum doctrina Posidonii in unum corpus confusa sunt, ita hoc loco circumdata sunt fragmentis Eratosthenis, atque ut illis locis Apollodori fragmenta suspicati sumus Posidonio deberi, idem hoc loco statuerimus, ita tamen ut non solum Apollodori verum etiam Eratosthenis fragmenta e Posidonii libris hausta esse sumamus. Cf. p. 18.

§ 3 et 8.

Car. Muellerus et Geyerus totam paragraphum III vindicant Onesicrito atque Geyerus quidem ei Onesicriti commentariorum parti, quae ,ἐγκώμιον Ἀλεξάνδρου“ inscripta erat. Neque quidquam

obstat, quin Onesicriti commentarios putemus praesto fuisse Straboni, quippe qui dicat in l. II 1, 9 C. 70: Ὀνησίκριτος καὶ Νέαρχος καὶ ἄλλοι τοιοῦτοι παραφελλίζοντες ἤδη. καὶ ἡμῖν δ' ὑπῆρξεν ἐπὶ πλέον κατιδεῖν ταῦτα ὑπομνηματιζομένοις τὰς Ἀλεξάνδρου πράξεις. Tamen vereor ut hoc quidem loco ipsum Strabo exscripserit Onesicritum. Immo additis verbis, quae sunt τοῦτο μὲν οὖν ἀνεκτότερον καὶ τῷ Κεῖων¹ νόμῳ παραπλήσιον satis mihi videtur apparere, totum hunc locum fluxisse ex aliquo libro de variis gentium moribus conscripto, quod idem statuendum mihi videtur esse de paragrapho VII. Atque cum pars haud parva exemplorum a Strabone in his duabus paragraphis exhibitum pertineat ad mortuorum cultum, facile quispiam possit adduci, ut Strabonis fontem esse censeat eundem Posidonii Rhodii librum, unde similia exempla a Cicerone et Sexto Empirico sumpta esse demonstravit Corrsenus. (De Posidonio Rhodio. Bonn 1878. Mus. Rhen. vol. 36 p. 506 ss.) Cicero enim in Tuscul. disp. I 45 haec habet: «In Hyrcania plebs alit publicos canes, optimum domesticos; nobile autem genus canum illud scimus esse, sed pro sua quisque facultate parat a quibus dilanietur eamque optimum illi esse censent sepulturam.» Et Sextus Empiricus in Pyrrh. hyp. III 227 idem refert hisce verbis: Ὑρκανοὶ δὲ κοσῖν αὐτοῦς (scil. τοὺς ἀποθανόντας) ἐπιτίθενται βορὰν.^{*} Sed quem Strabo vult morem fuisse Bactrianorum, illi Hyrcanorum tradunt esse. Qua tamen re non refutatur illa opinio, immo firmari videtur, quod apud eosdem scriptores atque iisdem fere locis exhibentur alia exempla, quae paucis quidem mutatis occurrunt apud Strabonem in paragrapho VIII. Atque primum quidem versus illi Euripidei cum citantur a multis aliis scriptoribus, quos enumerat Nauckius ad Euripidis fr. 452, tum apud Ciceronem in Tuscul. disput. I 48 et apud Sext. Emp. in Pyrrh. hyp. III 230. Deinceps conferas Sext. Emp. Pyrrhon. hyp. III 228 p. 174 B, ubi narratur mos esse quorundam barbarorum, ut supra sexaginta annos natorum vescantur corporibus, eorum autem, qui ante initam hanc aetatem moriantur, corpora sepeliant.

¹ Sic recte emendavit Kramer. coll. Strab. X 5, 6 C. 486. Codd. habent: καὶ τῷ οὐκείῳ νόμῳ.

Haec omnia tantopere conveniunt cum Strabonis narratione ut pauca illa discrepare meo quidem iudicio parum referat. Iam si consentiunt in hac re Cicero Sextus Strabo, verisimillimum est, Posidonium adhibitum esse auctorem, cum praesertim addita sint verba tragici poetae, quorum Posidonium notum est amantissimum fuisse.

Ceterum qui narrantur a Strabone singularum gentium mores, omnes fere inveniuntur apud scriptores, qui scripserunt de rebus mirabilibus. Nicolaus quidem Damascenus in morum mirabilium collectione (fr. 119) et Valerius Maximus II 6, 12 memoriae tradunt barbarorum quorundam esse morem, ut natales hominum dies celebrent cum lacrimis, cum hilaritate exsequias.¹ Atque Aelianus v. h. IV 1 eadem exhibet de Derbicis atque Strabo.² Deinceps de iis, qui quam longissima studeant sibi capita parare, confer quae exstant apud Zenobium V 25.³

§ 4.

In Bactriana Sogdianaque ab Alexandro conditas esse urbes octo legimus apud Justin. XII 5, 12. Nam postquam absolvit de Alexandria ad Tanaim condita, ita pergit: «In Bactrianis quoque Sogdianisque septem urbes condidit.» Strabo autem illam Alexandream cum ponat in Sogdianorum finibus,⁴ octonarium numerum exhibens non differt a Justino.

Deinceps Cyropolim Curtius VII 6, 19 narrat deletam esse ab Alexandro quamquam invito: «Statuerat autem parcere urbi conditae a Cyro; quippe non alium gentium illorum magis admiratus est, quam hunc regem et Semiramin, quos et magnitudine animi et claritate rerum longe emicuisse credebat. Ceterum pertinacia oppidanorum iram eius accendit. Itaque captam urbem diripi iussit.» Dirutam esse urbem Arrianus quoque narrat; frustra autem apud hunc quaeras illa de Alexandro Cyri admiratore. Quare in hac quidem re Strabo videtur secutus esse Clitarchum.

¹ Cf. Zenob. V 25.

² Cf. Porphy. de abst. IV 21. De Siginnis similia atque Strabo protert Herod. V, 9 Sed cum plura praebeat Strabo quam Herodotus, non licet cogitare de Herodoto Strabonis auctore.

Cf. Hippocr. de aer. loc. et aq. I 550 ed. Kuehn.

⁴ Cf. Plin. n. h. VI 49.

Petrae, quae narrantur in Sogdianis Bactrianisque captae esse ab Alexandro, saepius inter se commutantur a scriptoribus rerum Alexandri.¹ Ei enim petrae quae sita erat in Sogdianis cum a Strabone et Curtio² narretur praefuisse Ariamazus, ab Arriano an. IV 18, 4 dicitur praefectus fuisse Oxyartes. Altitudinem autem huius rupis fuisse triginta stadiorum consentiunt Strabo et Curtius VII 11, 1. In altera illa petra Oxyartae filiam captam esse vult Arrianus an. IV 19, 4; Curtius³ autem secus narrat de primo Roxanae et Alexandri conventu. Strabo igitur, sive eius auctor, et Aristobulum videtur usurpasse et Clitarchum. Quod vel inde cognoscitur, quod dixit: καὶ τὴν ἐν τῇ Σογδιανῇ τὴν τοῦ Ὠξου, οἱ δ' Ἀριαμάζου φασί. Pro Ὠξου enim scribendum est Ὀξυάρτου cum minime apta sit Oxi significatio. Qua emendatione facta Aristobuli sententia et Clitarchi opponuntur.⁴

De Branchidarum proditione atque poena idem fere, quod Strabo perhibet Curtius VII 5, 28. Neque tamen certa ratione inde licet colligere, huius rei auctorem Straboni fuisse Clitarchum. Nam verisimile est, eandem rem narratam esse ab aliis scriptoribus rerum Alexandri. Tamen quod in antecedentibus cognovimus Clitarchi vestigia, probabilius est, extremam quoque paragraphum deberi eidem auctori.

§ 5.

Polytimetus amnis oleique fontes prope Ochum inventi narrantur ex auctoritate Aristobuli, cuius nomen citatur. Ad eundem redeunt haec: ρεῖν δὲ τὸν Ὠχόν οἱ μὲν διὰ τῆς Βακτριανῆς φασιν et illa: οἱ δὲ κατ' ἀρχάς μὲν ἕτερον, συμβάλλειν δ' εἰς ἐν τὸ τοῦ Ὠξου ρεῖθρον. πολλαχού καὶ ἑξ καὶ ἑπτὰ σταδίων ἔχον το πλάτος, ut apparet ex iis, quae supra⁵ disputavimus de Ocho Aristobuli. Alteram autem de Ocho sententiam a Strabone hoc loco exhibitam Polycleti esse demonstravimus in p. 14 ss. Iam si quaerimus, Strabo utrum hoc loco ipsorum Polycleti Aristobulique libros

¹ A. v. Gutschmid, Geschichte Irans, p. 2, 2.

² VII 11, 1.

³ VIII 16.

⁴ Cf. Arrian. an. IV 18 et Curt. VII 11, 1.

⁵ p. 13 ss.

volverit necne, illud videtur verisimilius esse, omnia haec fluxisse ex uno eodemque fonte. Quem fuisse librum Eratosthenis vel inde apparet, quod eius fragmento¹ concluditur totus hic locus, qui est de fluviis Sogdianis et Bactrianis.² In fine autem paragraphi de schoenorum varia magnitudine Strabo disputat ipse expertus.

§ 6.

Haec paragraphus praeter extrema, quae sumpta sunt ex Eratosthenis geographia,³ fluxit ex ipsius Strabonis iudicio. Neque tamen dubium est, quin in formando hoc iudicio memor fuerit eorum, quae legerat apud Posidonium et Apollodorum, quibus recentioribus in his regionibus describendis nititur auctoribus. Nam cum dicit, στρατεῖαι δ' οὐ γέγονασιν ἐπ' αὐτοὺς ἡμῶν γνώριμοι, nihil aliud significat nisi expeditiones in illas gentes factas nullas commemorari ab Apollodoro, qui τοὺς ὑπὲρ τούτων Σκύθας γινωριστέρους⁴ sibi reddiderit.

§ 7.

In totius orbis, qui colitur, computatione utrum Strabo pendeat a ratione Eratosthenis an Posidonii, difficilior est quaestio atque pars illius, quam supra (ad § 6, 1) diximus ampliorem esse, quam ut hoc loco ad finem perducere possit. Tamen aliquid proficimus Apollodori testimonio in hanc computationem inserto. Quod Strabo aut apud auctorem invenerit aut ipse addiderit necesse est. Strabonem autem Eratosthenis aut Posidonii computationes ipsum emendasse et parum probabile est, et omnino ab eius consuetudine alienum. Quare cum de Eratosthene cogitare non liceat, reliquum est, ut Posidonium sumamus nixum auctoritate Apollodori Artamiteni, quem — ut supra ostendimus — recentissimum harum rerum auctorem praedicat, emendasse numeros Eratosthenis, id quod plane consentit cum ea ratione, quam ubique cognovimus intercedere inter Posidonium et fragmenta Apollodori apud Strabonem servata.

¹ Apud Berg. fr. III B 69.

² De octoginta illis parasangis cf. Neumann. in Herm. vol. 19. p. 179.

³ Berg. fr. II A 11.

⁴ Strab. I 2, 1 C. 14. Cf. p. 7 ss.

Singula enim fragmenta „Parthiorum“, quae invenimus apud Strabonem, suspicati sumus a Strabone non ex ipsis Parthis, verum e Posidonii aliquo libro sumpta esse. Quae opinio singulis locis prolata atque, quantum potuimus, probata num vera sit, nunc contexte quaeramus.

Atque primum quidem in memoriam revocanda sunt ea, quae disputavimus in pagina 9, ubi Strabo nobis visus est optimum rerum Hyrcanarum Bactrianarum Scythicarum auctorem Apollodorum praedicare secundum Posidonium Rhodium. Unde collegimus Apollodori Parthica Straboni innotuisse per stoicum illum philosophum. Firmatur haec coniectura eo, quod quamquam Apollodorus optimus a Strabone laudatur auctor, tamen illarum regionum descriptio maximam quidem partem, ut vidimus, nititur Posidonii Rhodii doctrina. Quod mirum esse noniam putabimus, si sumemus, a Posidonio ipso exscriptum esse Artamitenum.

Accedit quod, ubicumque Apollodori vestigia invenisse nobis videbamus, aut antecedunt aut sequuntur fragmenta Posidonii. Quod ut facilius perspicui possit, fontes eorum, qui huc pertinent, locorum proponamus.

Strab. XI 6, 2, 3 C. 507/508 Posid. Apoll. Art.

» 7, 1 C. 508 » »

» 8, 1, 2, 3 C. 510/511 Posid. Apollod. Art. Posid.

» 9, 1, 2, 3 C. 514/515 Posid. Apoll. Art. Posid. Apoll. Art.

» 10, 1, 2, C. 515/516 (Eratosth.) Posid. Apollod. Art.

» 11, 1, 2 C. 516/517 (Eratosth.) Apoll. Art. (Eratosth.)

» 11, 7, C. 519 Posidon. Apoll. Art.

Quodsi horum locorum nonnullis proxima sunt fragmenta Eratosthenis, nihil impedit quin nostra stet sententia, cum sit verisimile, etiam Eratosthenis, quae apud Strabonem sunt, fragmenta, magnam quidem partem deberi Posidonio.

Quae omnia cum ita sint, Apollodori fragmenta, quae apud Strabonem inveniuntur, sumpta videntur esse ex aliquo Posidonii libro, qui liber quis fuerit, iam restat ut quaeramus.

Atque Muellenhoffius quidem eum Strabonis locum, ubi nomen occurrit Celtoscytharum (XI 6, 2 C. 507), haustum esse arbitratur e Posidonii historiis, quibus narrabantur τὰ μετὰ Πολόβιον (cf. Muellenh. l. c. p. 169 ss. et p. 153 ss.). Quo-

cum loco cum iunctus sit ille, ubi ex sententia Posidonii (cf. p. 9) optimus rerum a Parthis exploratarum auctor praedicatur Apollodorus Artamitenus, sequitur huius scriptoris laudem fluxisse ex iisdem historiis, non vero ex eo opere, quod erat scriptum de rebus a Pompeio gestis. Id sane perpendendum est, numne idem locus fuerit in eo libro, qui erat ,περὶ ὠκεανοῦ'. Atque profecto, argumentum quod attinet, in hoc quoque libro suum locum habebat. Tamen cum Apollodori fragmentorum longe maior pars versetur aut in rebus gestis enarrandis aut certe singulis regionibus locisque describendis, quae omnia abhorrent quam maxime ab argumento eius libri, qui erat de Oceano scriptus, haud dubito Posidonii *historiis* tribuere fragmenta Apollodori Artamiteni.

Posidonii autem historiae, quas supra diximus, pertinebant usque ad annum a. Chr. n. 96. (Cf. Muellenh. l. c. p. 153.) Iam vero in fragmentis Parthicorum nullam rem post id tempus gestam occurrere infra videbimus (cf. p. 46).

III.

Postquam absolvimus de fontibus, quibus Strabo usus sit in libri XI cap. 6-12, proximum est ut ea, quae in hac quaestione cognovimus, Apollodori Artamiteni fragmenta, sub unum conspectum ponamus atque illustremus. Accedunt autem ad illa fragmenta unum, quod legitur apud Athenaeum, et duo aliis Strabonis locis servata. Haec autem duo ita sunt comparata, ut facile appareat ea repetita esse ex iis, quae iam supra invenimus, fragmentis. Nam quae leguntur Apollodori verba apud Strab. XI 13, 6 C. 524 et XV 1, 3 C. 685, nihil continent nisi quod iam ante dixerat Strabo XI 9, 1 C. 514 et XI 11, 1 C. 516.¹

De rerum ordine in Apollodori Parthiis adhibito nihil certi affirmari potest. Neque enim ulli fragmento numerus libri, unde sumptum sit, adscriptus est praeter unum illud fragmentum, quod legitur apud Athenaeum XV 682. Quod si discimus sum-

¹ Vogelius, qui in dissertatione cui inscripsit : *De fontibus quibus Strabo in libro XV conscribendo usus sit* p. 48, Apollodorum Artamitenum sibi videturprehendisse apud Strab. XV 3, 12 C. 732, hanc opinionem veram esse nullis probavit argumentis.

ptum esse e quarto libro Parthicorum, parum adiuuatur quaestio, cum in eo nullius temporis insit significatio, et pro argumento in quolibet fere totius operis libro suum locum habere potuerit.

Quare cum fati iniquitate factum sit, ut verus rerum ordo in Parthis narratarum iam statui non possit, singula fragmenta proponamus ex ordine singularum regionum, ad quas pertinent.

Variam lectionem, quam singulis fragmentis subscripsi, sumpsit e Kramerii Strabone additis tamen aliorum virorum doctorum coniecturis post illos factis, quae memorabiles mihi visae sunt.¹

Uncis inclusi sunt numeri collectionis Muelleri.²

Fr. 1. (1.)

Strabo II 5, 12 C. 118. Cf. p. 7 ss.

1. Ἀπήγγελλται δὲ ἡμῖν καὶ ὑπὸ τῶν τὰ Παρθικά συγγραψάντων τῶν περὶ Ἀπολλοδώρον τὸν Ἀρταμηνόν, ἃ πολλῶν ἐκείνοι μᾶλλον ἀφώρισαν τὰ περὶ τὴν Ὑρκανίαν καὶ τὴν Βακτριανήν.
2. Ἀρταμηνόν Holsten. ad Steph. Byz. v. Ἀρτεμίτα. ἀρτεμείτην edd. Conf. Strab. XI 11, 1 C. 516, ubi οὐ praebent ἀρταμηνός et XI 13, 7 C. 524, ubi recte ἀρταμηνός. — πολλῶν ἐκείνοι codd.: ἄλλων post πολλῶν addidit Cor.: τῶν ἄλλων Casaub.: emendaverim πολλῶ ἐκείνων clausulas verborum inter se commutatas esse ratus; nam ο et ω nihil fere differunt.

Idem fere legitur apud Strab. I 2, 1, C. 14. Cf. pag. 6 ss.

οἱ δὲ Παρθυαῖοι τὰ περὶ τὴν Ὑρκανίαν καὶ τὴν Βακτριανήν καὶ τοὺς ὑπὲρ τούτων Σκύθας γνωριμωτέρους ἡμῖν ἐποίησαν, ἥττον γνωρίζομένους ὑπὸ τῶν πρότερον.

Adde Strab. XI 6, 4 C. 508. Cf. pag. 6 ss.

1. ἡ δὲ τῶν Ῥωμαίων ἐπικράτεια καὶ ἡ τῶν Παρθυαίων πλειόν τι προσέκκαλύπτει τῶν παραδεδομένων πρότερον· οἱ γὰρ περὶ ἐκείνων συγγράφοντες καὶ τὰ χωρία καὶ τὰ ἔθνη, ἐν οἷς αἱ πράξεις πιστότερον λέγουσιν ἢ οἱ πρὸ αὐτῶν μᾶλλον γὰρ κατοπτρεύασιν.
2. ἐκείνων: ἐκείνου Dilowxz (?).

¹ Varia lectio, quae pertinet ad fr. 8, benignissime mecum communicavit Kaibelius.

² Fragment. historicorum Graecorum vol. IV p. 309 ss.

DE SCYTHIS.

Fr. 2.

Strab. XI 7, 1 C. 508. Cf. p. 10.

1. τοὺς δ' οὖν ἐν ἀριστερᾷ εἰσπλέοντι τὸ Κάσπιον πέλαγος παροικούντας νομάδας Δάας οἱ νῦν προσαγορεύουσι τοὺς ἐπωνομαζομένους Πάρνους.
3. Πάρνους: Σπάρνους codd: Xyl. correxit. Conf. Apollod. Art. ap. Strab. XI 9, 2 C. 515; illud Σ arbitror non cum Casaub. e littera α corruptum sed dittoграфия factum. Conf. Ptol. VI 10, 2.

Fr. 3.

Strab. XI 8, 2 C. 511. Cf. p. 18.

1. ἐν ἀριστερᾷ δὲ τούτοις ἀντιπαράκειται τὰ Σκυθικὰ ἔθνη καὶ τὰ νομαδικὰ ἅπασαν ἐκπληροῦντα τὴν βόρειον πλευράν. οἱ μὲν δὲ πλείους τῶν Σκυθῶν ἀπὸ τῆς Κασπίας θαλάττης ἀρξάμενοι Δᾶαι προσαγορεύονται, τοὺς δὲ προσεφούς τούτων μᾶλλον Μασσαγέτας καὶ Σάκας ὀνομάζουσι, τοὺς δ' ἄλλους κοινῶς μὲν Σκύθας ὀνομάζουσιν, ἰδίᾳ δ' ὡς ἐκάστους· ἅπαντες δ' ὡς ἐπὶ τὸ πολὺ νομάδες.

1. τὰ om. codd.: Cor. add. 4. Δᾶαι: Δᾶσι codd. cf. VII 3, 12 C. 304; XI 7, 1 C. 598 — προσεφούς ο: πρὸς ἕω rw.

Quid scriptoribus rerum Alexandri visum sit de Dahis, supra vidimus.¹ Apollodorus Dahas collocavit ad mare Hyrcanum et inde usque ad Ochum fluvium.² Quorum gens erant Parni (fr. 2), iidem sine dubio, quos Strabo XI 8, 2 C. 511 Aparnos vocat. Ptolemaeo VI 10, 2 contra diversae gentes videbantur esse Dahae et Parni, finitimi tamen et utrique in Margiana incolentes. Quorum auxilio usus Arsaces Parthiam ingressus hanc regionem eripuit regno Seleucidarum. Conf. Apollod. apud Strab. XI 9, 2 C. 515. Atque ipsum Arsacem Daham fuisse placuit Apollodoro apud Strab. XI 9, 3 C. 515, alii Bactrianum eum volebant esse (ibid.). Cf. Justin. XLI, 4 qui narrat, cum praedonum manu Arsacem occupasse Parthiam. Quod de Scy-

¹ p. 10.

² ap. Strab. XI 7, 1 C. 508; 9, 2 C. 515.

this intellegendum esse apparet. Cf. enim Strab. XI 8, 3 C. 511. Vide quae de hac re exposuit Gutschmid, *Gesch. v. Iran*, p. 29 ss.

DE PARTHYAEA.

Fr. 4.

Strabo XI 9, 2 C. 515. Cf. p. 24 ss.

- ¹ νεωτερισθέντων δὲ τῶν ἔξω τοῦ Ταύρου διὰ τὸ πρὸς ἄλλοις εἶναι τοὺς τῆς Συρίας καὶ τῆς Μηδίας βασιλέας τοὺς ἔχοντας καὶ ταῦτα, πρῶτον μὲν τὴν Βακτριανὴν ἀπέστησαν οἱ πεπιστευμένοι καὶ τὴν ἐγγὺς αὐτῆς πᾶσαν οἱ περὶ Εὐθρόδημον. ἐπεὶ Ἄρσάκης
- ⁵ ἀνὴρ Σκύθης τῶν Δαῶν τινὰς ἔχων τοὺς Πάρνους καλουμένους νομάδας παροικούντας τὸν Ὀχρον ἐπῆλθεν ἐπὶ τὴν Παρθυσίαν καὶ ἐκράτησεν αὐτῆς. κατ' ἀρχὰς μὲν οὖν ἀσθενὴς ἦν διαπολεμῶν πρὸς τοὺς ἀφαιρεθέντας τὴν χώραν καὶ αὐτὸς καὶ οἱ διαδεξάμενοι ἐκείνον, ἐπειθ' οὕτως ἴσχυσαν ἀφαιρούμενοι τὴν πλησίον αἰεὶ διὰ
- ¹⁰ τὰς ἐν τοῖς πολέμοις κατορθώσεις ὥστε τελευτώντες ἀπάσης τῆς ἐντὸς Εὐφράτου κύριοι κατέστησαν ἀφείλοντο δὲ καὶ τῆς Βακτριανῆς μέρος βιασάμενοι τοὺς Σκύθας καὶ ἐτι πρότερον τοὺς περὶ Εὐκρατίδαν, καὶ νῦν ἐπάργουσι τοσαύτης γῆς καὶ τοσούτων ἐθνῶν ὥστε ἀντίπαλοι τοῖς Ῥωμαίοις τρόπον τινὰ γέγονασι κατὰ μέγεθος
- ¹⁵ τῆς ἀρχῆς· αἷτος δ' ὁ βίος αὐτῶν καὶ τὰ ἔθνη τὰ ἔχοντα πολὺ μὲν τὸ βάρβαρον καὶ τὸ Σκυθικόν, πλέον μέντοι τὸ χρησίμην πρὸς ἡγεμονίαν καὶ τὴν ἐν τοῖς πολέμοις κατορθωσιν.

1. ἄλλοις: ἄλλήλους loz: ἀλλήλοις codd. rel. et z in margine. Correxuit Thyerwhitt. probantibus Kramero Meinekio Gutschmidio, *Gesch. v. Iran*, p. 29 a. 1.-5. Δαῶν Xyland.: δατίων codd. Cf. Strab. VII 3, 12 C. 304. XI 7, 1 C. 508; 9, 3 C. 515.

Fr. 5.

Strabo XI 9, 3 C. 515. Cf. p. 24 ss.

ἀπὸ τούτων (scil. τῶν Δαῶν) δ' οὖν ἔλκειν φασὶ τὸ γένος τὸν Ἄρσάκην.

Fr. 6. (2.)

Strabo XI 7, 3 C. 509. Cf. p. 15 ss.

οὐ πάνυ δὲ ὑπὸ τῶν παλαιῶν ὁ Ὀχρος ὀνομάζεται. Ἀπολλοδωρος μέντοι ὁ τὰ Παρθικὰ γράφας συνεχῶς αὐτὸν ὀνομάζει· ὡς ἐγγυτάτω τοῖς Παρθυσίοις ῥέοντα.

Unde videtur repetitum esse, quod legitur XI 8, 1 C. 510. 511, quantum quidem pertinet ad Ochum fluvium: καὶ ἡ ἔρημος, ἣν ἀπὸ τῆς Ὑγκανίας ὀρίξει· ὁ Σάβριος ποταμός πρὸς ἑὸν βαδίζουσι καὶ ἐπὶ τὸν Ὠγον.

Fr. 7.

Strabo XI 9, 1 C. 514. Cf. p. 24.

- ¹ ἀλλὰ νῦν ἡϋξήται (scil. ἡ Παρθυαία). μέρη δ' ἐστὶν τῆς Παρθυηνῆς ἡ τε Κωμισσηνὴ καὶ ἡ Χωρηνὴ, σχεδὸν δέ τι καὶ τὰ μέγρι πυλῶν Κασπίων καὶ Ῥαγῶν καὶ Ταπόρων ὄντα τῆς Μηδίας πρότερον. ἔστι δ' Ἀπάμεια καὶ Ἡράκλεια, πόλεις περὶ τὰς Ῥάγας.
- ⁵ εἰσὶ δ' ἀπὸ Κασπίων πυλῶν εἰς μὲν Ῥάγας σταδίου πεντακόσιοι, ὡς φησιν Ἀπολλόδορος, εἰς δ' Ἐκατόμυλον τὸ τῶν Παρθυαίων βασίλειον χίλιοι διακόσιοι ἐξήκοντα.

Strabo XI 13, 6 C. 524. (4.)

- εἰσὶ δὲ καὶ Ἑλληνίδες πόλεις κτίσματα τῶν Μακεδόνων ἐν τῇ Μηδίᾳ, ὧν Λαοδίχεια τε καὶ Ἀπάμεια καὶ ἡ πρὸς Ῥάγαις <Ἡράκλεια> καὶ αὐτὴ Ῥάγα τὸ τοῦ Νικάτορος κτίσμα, ὃ ἐκείνους μὲν Εὐρωπῶν ὀνόμασε, Πάρθου δὲ Ἀρσακίαν, νοτιωτέραν οὖσαν τῶν Κασπίων πυλῶν πεντακόσιος ποὺ σταδίων, ὡς φησιν Ἀπολλόδορος <ὅ> Ἀρταμτηνός.

2. Κωμισσηνὴ: κωμεισηνὴ CDh καμῖουσηνὴ γ καμεισηνὴ codd. rel. : Tzsch. correxit coll. Strab. XI 14, 4 C. 528; Ptolem. VI 5, 1. Isid. Char. p. 2 ed. Huds. Plin. n. h. VI 44. 9) Ἡράκλεια: om. codd. : suppl. ex sententia Kramerii Mein. coll. XI 9, 1 C. 514. — 10) Ῥάγα: ῥάγεια codd. : «fortasse ex aliqua Heracleae confusione orta» (Kramer) Cor. correxit ex sent. Casaub. coll. Steph. Byz. s. v., qui sua sumpsit ex hoc Strabonis loco. Minus aptum Kramero videtur quod coniecit Grosk. καὶ Ἡ[ράκλεια πρὸς] Ῥάγας. 13) ὁ addidi. — Ἀρταμτηνός: sic recte oz: ἀρτεμεισηνός CDh; ἀρτεμεισηνός lxy. Kram. mira inconstantia modo scripsit Ἀρταμτηνός modo Ἀρτεμειτηνός.

Fr. 8. (7.)

Athenaeus XV 682 c.

- ¹ Ἀπολλόδορος δ' ἐν δ' τῶν Παρθικῶν ἀνθος τι ἀναγράφει καλούμενον φιλάδελφον κατὰ τὴν Παρθικὴν χώραν, περὶ οὗ τάδε φησὶν καὶ μυρσίνης γέννη ποικίλα μῆλ' αἶ τε καὶ τὸ καλούμενον φιλάδελφον, ὃ τὴν ἐπωνυμίαν ἔλαβε τῇ φύσει· πρόσφορον· ἐπειδὴν γὰρ ἐκ

- ⁵ διαστήματος αὐτομάτως κράδαι συμπέσσωσι, ἐμφύγων περιπλοκήν ἐν τῷ . . . μένουσιν ἡνωμένοι, καθάπερ ἀπὸ ρίζης μίας, καὶ τὸ λοιπὸν ἀνατρέγουσι καὶ ζυγοφουτοῦσιν. διὸ καὶ τοῖς ἡμέροις φυλακὴν ἀπ' αὐτῶν παρασκευάζουσιν· ἀφαιροῦντες γάρ τῶν ῥάβδων τοὺς λεπτοτάτας καὶ διαπλέξαντες [τε] δικτύου τρόπῳ φυτεύουσιν κύκλῳ
¹⁰ τῶν κηπευμάτων καὶ ταῦτα συμπλεκόμενα περιβόλου παρέχεται δυσπάροδον ἀσφάλειαν.

5. περιπλοκήν: περιπλοκῇ CE: ἐν τῷ om. CE. — lacunam indic. Schweigh.: ἐν ταυτῷ conl. Cant.: ἐγγυτάτῳ C. Mueller. Kaibel desiderat περιπλοκήν μμμούμεναι vel simile quid.

Illum Arsacem, qui in fragmento 4 narratur cum Daharum manu ingressus esse, Arsacem alterum cognomine Teridatem esse primus cognovit V. de St. Martin: *Fragm. d'une histoire des Arsacides*, p. 318. Eandem sententiam amplexi sunt Schneiderwirth, *Die Parther nach griechisch-römischen Quellen*, p. 9^{ss.}, et Gutschmid: *Gesch. v. Iran*, p. 31. Aliter senserunt Lassen, *Zur Geschichte der griech. und indoskyth. Könige*, p. 220, Spiegel, *Er. A.* 3. p. 71 ss. Utrum Scythia fuisset Arsaces an Bactrianus parum constabat apud veteres. Conf. Strab. XI 9, 3 C. 515. Scythia videtur esse Apollodoro Artamiteno (fr. 4 et 5), Parthus Arriano (fr. 1). Alii Bactrianum eum fuisse memoriae tradiderunt. Conf. Strab. XI 9, 3 C. 515. Syncell. *Chron.* p. 539 ed. Bonn. De Ocho cum supra satis mihi multa verba fecisse videar, hoc loco nihil addendum est. — Parthorum incrementa iisdem fere verbis exhibentur apud Dion. Cass. 40, 14. Ceterum Parthorum fines usque ad Euphratem propagati sunt a Mithradate, qui regnum adeptus est circa annum a. Chr. n. 171 (Gutschm. l. c. p. 44). Conf. Justin. XLI 6. Curt. Ruf. VI, 2, 14. — Eam partem regni Bactriani, quam Parthi narrantur (fr. 4) eripuisse Scythis, Sinensibus narrationibus nixus et nummi cuiusdam inscriptione Gutschm. l. c. p. 71 docuit fuisse Margianam antea a Sacaraucais occupatam. — De reliquis provinciis Bactriani imperii, quas Apollodorus testis est a Parthis occupatas esse, infra nobis disputandum erit.

Iam ut accedamus ad fr. 7, quo tempore Comisene et Chorene subiectae sint imperio Parthorum, nullum veterum exstat testimonium. Probabilem de hac re coniecturam fecit Gutschm. p. 43 ss., qui id factum esse suspicatur intra annos a Chr.

n. 191-176. Mediae autem partem expugnavit Mithradates, de quo supra diximus. Conf. Justin. XLI 6, Gutschm. p. 52. De urbe Apamea conf. Isid. Char. p. 7 Huds. Plin. n. h. VI 14 Ptolem. VI 5, 3. (Ammian. Marcell. XXIII 6, 43.) Eustath. ad Dion. per. 918. De Heraclea: Plin. n. h. VI 14. Ptolem. VI 2, 16 (Ammian. Marc. XXIII 6, 39.) Aliam Heracleam significat Steph. Byz. s. v.: μεταξὺ Σκυθίας καὶ Ἰνδοκῆς. De Rhaga vel Rhagis disputavit Droysen, Gesch. des Hellen. III 2, p. 319.

Num fr. 8 pertineat ad Parthyaeam, quae proprie dicitur, admodum dubium est. Ceterum cave ne gaudeas, a Naucratis proposita esse ipsius Apollodori verba, ita ut inde liceat iudicare de genere dicendi ab eo adhibito. Veri enim dissimillimum est, Athenaeo ipsa Parthica praesto fuisse, immo probabile, Apollodori illud fragmentum ab Athenaeo inventum esse in aliquo libro ad historiam plantarum pertinente.

Quae sint plantae ab Apollodoro commemoratae, vide Schweigh. ad Athenaei locum.

DE BACTRIANA.

Fr. 9. (5.)

Strabo II 1, 14 C. 73. Cf. p. 28 ss.

¹ páμφορον δ' εἶναι καὶ τὴν Βακτριανὴν πλὴν ἐλαίου πλησίον τῇ Ἀρίᾳ παρακειμένην.

Strabo XI 11, 1 C. 516. Cf. p. 28.

πολλὰ δ' ἐστὶ καὶ páμφορος πλὴν ἐλαίου· τοσοῦτον δὲ ἵσχυσαν οἱ ἀποστέλλαντες Ἕλληνες αὐτὴν διὰ τὴν ἀρετὴν τῆς χώρας ὥστε
⁵ τῆς τε Ἀριανῆς ἐπεκράτουν καὶ τῶν Ἰνδῶν, ὡς φησὶν Ἀπολλόδορος ὁ Ἀρταμιστηνός, καὶ πλείω ἔθνη κατεστρέφοντο ἢ Ἀλέξανδρος, καὶ μάλιστα Μένανδρος — εἶγε καὶ τὸν Ἰππιν διέβη πρός
 εἴω καὶ μέχρι τοῦ Ἰσάμου προῆλθε — τὰ μὲν γὰρ αὐτὸς τὰ δὲ Δημήτριος ὁ Εὐθυδῆμος υἱὸς τοῦ Βακτρίων βασιλέως· οὐ μόνον
¹⁰ δὲ τὴν Παταλινὴν κατέσχον, ἀλλὰ καὶ τῆς ἄλλης παραλίας τὴν τε Σαραύστου καλουμένην καὶ τὴν Σιγέρδιδος βασιλείαν. καθ' ὅλου δὲ φησὶν ἐκεῖνος τῆς συμπάσης Ἀριανῆς πρόσχημα εἶναι τὴν Βακτριανὴν. καὶ δὴ καὶ μέχρι Σηρῶν καὶ Φαυρῶν ἐξέτεινον τὴν

ἀρχήν. [Strabo XI 11, 2 C. 516] πόλεις δ' εἶχον τὰ τε Βάκτρα,
 15 ἦνπερ καὶ Ζαριάσπαν καλοῦσιν, ἣν διαρρεῖ ὁμώνυμος ποταμὸς ἐκ-
 βάλλον εἰς τὸν Ὠξόν, καὶ Δάραφα καὶ ἄλλας πλείους· τούτων
 δ' ἦν καὶ ἡ Εὐκρατιδία τοῦ ἀρξάντος ἐπώνυμος. οἱ δὲ κατασχόντες
 αὐτὴν Ἕλληνες καὶ εἰς σατραπείας διηγήκασιν, ὧν τὴν τε Ἀσπι-
 ὄνους καὶ τὴν Τουριόαν ἀφῆργητο Εὐκρατίδην οἱ Παρθαῖοι.
 20 ἔσχον δὲ καὶ τὴν Σογδιανὴν [ὑπερκειμένην πρὸς ἑω τῆς Βακτρι-
 ανῆς μεταξὺ τοῦ τε Ὠξοῦ ποταμοῦ ὡς ὀρίξει τὴν τε τῶν Βακ-
 τριῶν καὶ τὴν τῶν Σογδιῶν τοῦ τε Ἰαξάρτου].¹

6. Ἀρταμιστηνός Cas. : ἀτραμιστηνός oz, Ἀρτημιστηνός Cor. 8. Ἰσά-
 μος codd. : Ἰομάου Mannert : Geogr. V p. 295. coll. Plin.
 n. h. VI 21 : Ἰμάου Cas. probante Kramero. Σοάνου Cun-
 ington Num. Chronic. X p. 220 ss. Σάμβου suspic. est
 Gutschmidius l. c. p. 104 n. 4 coll. Arrian. Ind. 4, 4.
 13. Φωνῶν codd. : Φρονῶν emend. Tzsch. e sententia Bayeri
 et Vaillantii coll. Dion. per. 752 et Eustath. ad h. v. Conf.
 etiam Plin. n. h. VI 55, ubi Gutschmidius l. c. p. 45 recte
 emend. Phuni et Tocari. 15. ἐκβάλλον codd. recte; Meinekios :
 «ita libri; vulgo ἐμβάλλον. Sed ἐκβάλλειν non memini fluvium
 dici nisi in mare influentem». Quare Meinekios proposuit
 εἰσβάλλον, sed falso. Nam codicum lect. tenenda est. Fugit
 virum doctissimum Ptol. VI 14, 4, ubi legimus : ἀφ' ὧν ῥέου-
 σιν ὁ τε Ῥορμός καὶ ἄλλοι· τινὲς εἰς τὸν Ῥά ποταμὸν ἐκβάλλοντες.
 Sic saepius a Ptolemaeo usurpatur subst. ἐκβολή. 16. Δάραφα
 codd. recte : Δάραφα Strabo XV 2, 10 C. 725. Δρέφα, Ptolem.
 VI 12, 6; VIII 23, 13 : Δράφακα, Arrian. an. III 29, 1.

Ex his Strabo XV 1, 3 C. 685/686 repetit : (6.)

- 1 Ἀπολλόδορος γοῦν, ὁ τὰ Παρθικά ποιήσας, μεμνημένος καὶ τῶν
 τὴν Βακτριανὴν ἀποστησάντων Ἑλλήνων παρὰ τῶν Σοριακῶν
 βασιλέων τῶν ἀπὸ Σελεύκου τοῦ Νικάτορος, φησὶ μὲν αὐτοὺς
 ἀξέχθεντας ἐπιθέσθαι καὶ τῇ Ἰνδικῇ οὐδὲν δὲ <πλείον> προσανα-
 5 καλύπτει τῶν πρότερον ἐγνωσμένων, ἀλλὰ καὶ ἐναντιολογεῖ πλείω
 τῆς Ἰνδικῆς ἐκείνους ἢ Μακεδόνας καταστρέψασθαι λέγων· Εὐκρα-
 τίδαν γοῦν πόλεις χιλίας ὑφ' ἑαυτῷ ἔχειν.
 4. πλείον ego addidi coll. Strab. XI 6, 4 C. 508 : πλείον τι προσ-
 εκαλύπτει τῶν παραδεδομένων πρότερον.

Non assentior Xylandro, qui in sequentibus pro ἐκείνους
 scripsit ἐκείνους omisso γε. Obstat enim illud ἐναντιολογεῖ.
 quod probata hac emendatione haberet significationem : sibi
 ipse contradicit. Quare Apollodori fragmentum non per-

¹ Cf. p. 33.

duxi usque ad finem paragraphi. Quod si fecissem, Apollodoro vindicandus erat alius Strab. locus, qui est XV 1, 33, C. 700/701. Quem locum cum Vogelio tribuo Onesicrito.

His adde initium fragmenti quarti, quantum pertinet ad Bactrianæ defectionem. — De regibus Graecis, qui in Bactriana regnaverunt, plura et accuratiora quam litteris discimus e nummis eorum haud ita paucis servatis. De quibus egit A. v. Sallet: Zeitschr. f. Num. VI p. 165 ss., p. 271 ss. VIII p. 279 ss. IX p. 158 ss. Per nummos autem et per Just. XLI 4 et Strab. XI 9, 3 C. 515 satis constat, primum illorum regum fuisse Diodotum.¹ Quem Apollodorus in fr. 4 significat verbis, quae sunt οἱ πεπιστευμένοι. Aliter interpretatus est Gutschm. l. c. p. 29 a. 1. Sed vereor ut recte. Euthydemus deinceps Bactrianæ fines dilatavit subiectis finitumis regionibus. Quas regiones Lassenus l. c. p. 222. Ariam et Margianam fuisse inde colligit, quod teste Polyb. X 49 Euthydemus equestrium copiarum aciem prope Arium flumen instruxit contra Antiochum. De Euthyдеми filio Demetrio, qui excidit e regno patris per Eucratidam et Indiae appellatur rex apud Just. XLI 6, conferas Lassen l. c. p. 225, Gutschm. l. c. p. 45 et 104. — Menandrum (fr. 9) Indiae fuisse regem probatur Trogi loco, qui est in prof. 41, et litteris Indicis, quae in nummis eius apparent praeter Graecas. Erravit igitur Plut. de re publ. ger. p. 821. Confer Lassen l. c. p. 225. A. v. Sallet. Z. f. Num. VI p. 320 ss., Gutschmid l. c. p. 104.

Quo tempore regnum Bactrianum portatum sit ad Seres Phaunosque, memoriae non traditum est. Probabilem de hac re coniecturam fecit Gutschm. l. c. p. 44 ss., ubi etiam de Indiae provinciis ab Apollodoro commemoratis disputat. Ne de satrapiis quidem Bactrianis a Parthis occupatis aliud exstat testimonium nisi Apollodori. Conf. Lassen l. c. 222 ss. Gutschm. l. c. p. 49 ss. De numero urbium Bactrianarum vide quae disput. A. v. Sallet: Die Nachfolger Alex. u. die Griechen in Baktrien p. 3.²

¹ Hanc nominis formam exhibent nummi

² Z. f. Num. vol. VI p. 165.

Fr. 10. (3.)

Strabo XI 11, 7 C. 519 Cf. p. 33.

εἰ δ' ὧν ἀπὸ τῆς Ὑρκανίας ἐπὶ Ἀρταμίταν τὴν ἐν τῇ Βαβυλωνίᾳ στάδιοι εἰσὶν ὀκτακισχίλιοι, καθάπερ εἶρηκεν Ἀπολλόδωρος ὁ ἐκ τῆς Ἀρταμίτης, ἐκείθεν δ' ἐπὶ τὸ στόμα τῆς κατὰ Πέρσας θαλάττης ἄλλο τοσοῦτόν ἐστι . . .

1. Ἀρταμίταν: Ἀρτεμισίαν Em ἀρτεμισίαν codd. rell.: Xyl. correxit. 2. ὁ om. codd., Cor. addidit. — ὁ ἐκ Ἀρταμίτης om. oz — ἀρτεμισίας Cx. Ἀρτεμισίας codd. rell., Xyl. correxit in Ἀρτεμίτας et sic editores. Sed cur forma dorica?

Distantias inde ab Artamita computatas vidimus in Apollodori fr. 11 et apud Strab. XVI 1, 17 C. 744; quarum altera num et ipsa fluxerit ex Apollodori Parthicis, parum liquet.

Hyrcaniae describendae Apollodoro dabatur occasio, cum narraret expeditionem in Hyrcaniam factam ab Arsace II, a quo Hyrcaniam subiectam esse testatur Justin. XLI 4, 8. Conf. Gutschm. l. c. p. 33.

DE MARGIANA ET ARIA.

Fr. 11.

Strabo II 1, 4 C. 73. Cf. p. 28.

- 1 ἐν δὲ τῇ Μαργιανῇ τὸν πυθμένα φασὶν εὐρίσκεισθαι τῆς ἀμπέλου πολλάκις δυσὶν ἀνδρῶν ὀργυαῖς περιληπτὸν, τὸν δὲ βότρυν διπληγυν. Παραπλησίαν δὲ λέγουσι καὶ τὴν Ἀρίαν, εὐοινία δὲ καὶ ὑπερβάλλειν, ἐν ᾗ γε καὶ εἰς τριγένειαν παραμένειν ἐν ἀπιττώνοισι ἄγχεισ
5 τὸν οἶνον.

Strabo XI 10, 2 C. 516.

εὐάμπειοι δὲ καὶ αὕτη ἡ γῆ φασὶ γοῦν τὸν πυθμένα εὐρίσκεισθαι πολλάκις δυσὶν ἀνδράσι περιληπτὸν, τὸν δὲ βότρυν διπληγυν.

Strabo XI 10, 1 C. 516.

εὐοινεῖ δὲ σφόδρα ἡ γῆ καὶ γὰρ ὁ οἶνος εἰς τριγένειαν παραμένει ἐν ἀπιττώτοις ἄγχεσι.

7. τριγένειαν Mueller. recte: τριγωνίαν codd. — Cobetus Miscell. crit. p. 112 τριγωνίαν etiam apud Strab. II 1, 4 C. 73 scribendum censet probante Cascorbio l. c. p. 2. — ὁ οἶνος i: rell. codd. om.

De Margiana regione vitifera conf. Plin. n. h. VI 46: «Sequitur regio Margiane apricitatis inclutae, sola in eo tractu vitifera.» De hac regione Gutschm. l. c. p. 71 interpretatus est illa verba, quae leguntur in fr. 4: ἀφείλοντο δὲ καὶ τῆς Βακτριανῆς μέρος βιασάμενοι τοὺς Σκύθας. Lassenus contra l. c. p. 222 Turiuan et Aspioni satrapias, quae dicuntur in fr. 9., suspicatus erat Margianam fuisse et Ariam. Rectius Gutschmid. l. c. 49 iudicat duas illas satrapias effecisse Ariam solam. Accedit ad argumenta a Gutschmidio prolata, quod Ariam sub imperio Parthorum divisam fuisse in duas provincias testis est Isidor. Charac. 8 ed. Huds.

IV.

DE APOLLODORI ARTAMITENI AETATE.

De Apollodori vita nihil nobis traditum est praeterquam quod et a Strabone et ab Athenaeo dicitur Artamitenus. Artamita autem urbs Parthorum erat memorabilis (Strabo XVI 1, 17 C. 744), quae teste Strabone a Seleucia aberat quingenta stadia aut, ut Isidoro Characeno placet (p. 5 ed. Huds.) schoenos quindecim, quibus stadia efficiuntur circa quadringenta quinquaginta, ab Hyrcania vero et sinu Persico teste ipso Apollodoro (fr. 11) stadiorum octona milia. Per mediam urbem, quae Isidori aetate appellabatur Chalaras (Isid. Char. p. 5 Huds.), fluebat Silla fluvius.

Qua aetate fuerit Apollodorus, cum nullo veterum testimonio constet, necesse est ut ex eius fragmentis computemus. Atque Clinto quidem in fast. Hell. v. III p. 557 collegit ex eo fragmento, quod exstat apud Strab. XV 1, 3 C. 685 (fr. 4), floruisse eum post a. a. Chr. n. 130, et Car. Muellerus (Fr. Hist. Gr. v. IV p. 309 ss.) eius aetatem terminat anno a. Chr. n. 140 et eo anno, quo Strabo conscripserit geographiam. Sed cum et Clinto et Muellerus haud recte iudicaverint de Eucratidae aetate, unde profecti sunt in definienda Apollodori vita, tota haec quaestio denuo instituenda est. Gutschmidio quidem auctore Eucratida interfectus est circa a. a. Chr. n. 155. Quare ex Eucratidae mentione id solummodo concludere licet, Apollodorum scripsisse post hunc annum. Sed in fragmentis alia occurrunt

indicia, quibus multo recentius significatur tempus. Discimus enim e fragmento 4, Apollodorum scripsisse postquam Parthorum imperium dilatatum est usque ad Euphratem, id quod factum est circa a. a. Chr. n. 139.¹ Margianam deinceps occupatam esse a Parthis haud multo ante a. 128 satis firmis argumentis ostendit Gutschmidius l. c. p. 128. Quod si cum Gutschmidio de hac occupatione intellegimus Apollodori illa verba, quae sunt in fragmento 4: ἀφείλοντο δὲ καὶ τῆς Βακτριανῆς μέρος βιασάμενοι τοὺς Σχόδας, Apollodorus fuerit necesse est post id temporis. Sed cum etiam Menandrum, quem Gutschmidius² arbitratur regnasse intra annos a. Chr. n. 125-95, commemoret Parthorum auctor in fr. 9, primi ante Christum saeculi initio assignandus esset Apollodorus, nisi recentiorum eum fuisse aliis effici posset argumentis. Animadvertendum enim est, quod Strabo I 2, 1 C. 14 haec habet: γνωριμωτέρους ἢ μὲν ἐποίησαν ἥττον γνωρίζομένους ὑπὸ τῶν πρότερον et rursus II 5, 12 C. 118: ἀπήγγελλται δὲ ἡμῖν, quae omnia ad Apollodorum pertinere supra demonstravimus. Tales autem Strabonis locutiones omnes viri docti, qui de ipsius Strabonis aetate egerunt, suo iure ita sunt interpretati, ut quaecumque Strabo dicit ,πρὸ ἡμῶν‘, esse facta, ante Strabonem natum, quae vero ,καθ’ ἡμᾶς‘ vel ,ἐφ’ ἡμῶν‘, Strabone iam tum nato explicarent esse gesta. Atque hac interpretatione, cum ne Strabo quidem quo tempore natus sit, ullo certo veterum testimonio constet, nititur tota Strabonis aetatis computatio. Atque ab eadem interpretatione nobis proliscendum est. Nam si Strabo dicit γνωριμωτέρους ἢ μὲν ἐποίησαν ἥττον γνωρίζομένους ὑπὸ τῶν πρότερον h. e. ,τῶν πρὸ ἡμῶν‘ et rursus ἀπήγγελλται δὲ ἡμῖν καὶ ὑπὸ τῶν τὰ Παρθικά συγγραψάντων τῶν περὶ Ἀπολλοδώρου dubitari non potest, quin Parthica scriperit Apollodorus iam tum nato Strabone.

Cui opinioni apta omnino sunt ceterarum rerum tempora, quibus Strabo orbem terrarum praedicat notio-riorem esse factum. Nam duobus illis locis, ubi disputat de re geographica nuper aucta,³ huius rei testimonia affert cum res a Parthis explora-

¹ Conf. Gutschm. l. c. p. 52.

² l. c. p. 104.

³ I 2, 1 C. 14 et II 5, 12 C. 117/118.

tas litterisque mandatas ab Apollodoro Artamitenō tum alias quasdam nuper gestas, quae quales sint, iam videamus.

1. Nuper notiores dicit esse factas τοὺς περὶ τὸν Καύκασον οἶον Ἀλβανούς καὶ Ἰβηρας. (II 5, 12 C. 518.) Quae apparet ad Pompei expeditionem spectare in illas regiones factam. Asiaticum autem Pompei bellum confectum est anno a. Chr. n. 63.

2. Ibid. Βρεταννούς καὶ Γερμανούς. Utrorumque fines primus ingressus est Caesar anno a. Chr. n. 55. Commentarios autem Gallici belli, quibus Britannica quoque et Germanica expeditio narrantur, edidit Caesar a. a. Chr. n. 51. Conf. Teuffel, R. L. G.³ 196.

3. τὰ τε πέραν Ἰστροῦ καὶ μέχρι Τύρα ποταμοῦ (I 2, 1 C. 14) et καὶ τοὺς περὶ τὸν Ἰστρον τοὺς τε ἐντὸς καὶ τοὺς ἐκτὸς, Τέτας τε καὶ Τυρεγέτας καὶ Βαστάρνας.⁴ Quae gentes accuratius cognitae sunt bello a Crasso contra Bastarnas gesto, quod ad finem perductum est a. a. Chr. n. 29.

4. Commemoratur Aelii Galli expeditio in felicem, quae dicebatur, Arabiam a. a. Chr. n. 24 suscepta. (II 5, 12 C. 118.)

5. I 1, 2 C. 14: οἱ δὲ Ῥωμαῖοι τὰ ἐπείρια τῆς Εὐρώπης ἅπαντα μέχρις Ἀλβίου ποταμοῦ τοῦ τὴν Γερμανίαν δίχα διαιροῦντος (scil. ἀνεκάλυψαν). Imperium autem Romanum usque ad Albim fluvium prolatum esse a Druso a. a. Chr. n. 12 satis notum est.

Itaque omnes illae res, quibus Strabo affirmat orbem terrarum notio-rem esse factum, gestae sunt intra annos a. Chr. n. 63 et 12. Atqui cum in eodem sententiarum conexu exhibeantur res a Parthis gestae litterisque mandatae per Apollodorum, satis mihi videtur apparere, eius Parthica sub idem fere tempus esse edita. Quae cum ita sint, recte nobis videmur e Strabonis illis locutionibus, de quibus supra egimus, conclusisse, Apollodorum Artamitenum aequalem fuisse Strabonis. Iam vero Strabo quo anno natus sit, viri docti non consentiunt. Grosskurdus¹ quidem Strabonem vult natum esse a. a. Chr. n. 66, Hasenmuellerus² 58, Niesius³ 63, Meyerus⁵ 68. Sed longe accuratissime

¹ II 5, 12 C. 117/118.

² p. XIII.

³ Hasenm. De Strabonis geogr. vita Bonnæ 1863.

⁴ Herm. XIII, p. 33—45. Mus. Rhen. XXXVIII p. 567—602.

⁵ Curt. Studior. v. II.

de hac re disputavit Niesius, quamquam nuper eum refutare conatus est Schroeterus.¹

Qui contra Nesium affert Strabonis locum, qui est in l. XIV 5, 10 C. 673: μετὰ δὲ τὴν τούτων κατάλυσιν ἐφ' ἡμῶν ἤδη τὴν τοῦ Τεύκρου δυναστείαν ἐκάλουν. Agitur autem de Olbe urbe, quae cum Pompeius piratas expulisset e Cilicia, pervenerat sub potestatem domus sacerdotium, qui a Teucro originem ducebant. Bellum autem piraticum cum profligatum sit medio fere anno a. Chr. n. 67, Schroeterus contendit, iam tum natum fuisse Strabonem, eo scilicet, quem supra proposuimus loco pro argumento usus. Cui Schroeteri opinioni obstat alius Strabonis locus, qui est in l. VIII 7, 5 C. 387-388: δέδεκται δ' αἰκήτορος καὶ ἡ Δύμη μικρὸν πρὸ ἡμῶν ἀνθρώπους μιγάδας, οὓς ἀπὸ τοῦ πειρατικοῦ πλήθους περιλιπεῖς ἔσχε Πομπήιος καταλύσας τὰ ληστήρια καὶ ἰδρύσας τοὺς μὲν ἐν Σόλοις τοὺς Κιλικίαις τοὺς δὲ ἄλλοι καὶ δὴ καὶ ἐνταῦθα. Sed videamus, quomodo hanc difficultatem sibi removisse videatur Schroeterus: «Aber dieser Widerspruch wird sofort gehoben, wenn — was immerhin möglich — Strabo nach der Besiedelung von Dyme, aber vor der gänzlichen Beendigung des Seeräuberkrieges geboren ist.» Quod sumere minime licet. Dymam enim piratis assignatam esse toto bello profligato apparet et e verbis quae sunt οὓς ἀπὸ τοῦ πειρατικοῦ πλήθους περιλιπεῖς ἔσχε Πομπήιος et ex iis quae sequuntur: καταλύσας τὰ ληστήρια καὶ ἰδρύσας τοὺς μὲν ἐν Σόλοις . . . τοὺς δὲ ἄλλοι καὶ δὴ καὶ ἐνταῦθα. Cum Strabone autem consentiunt Plut. in v. Pomp. 28 et Appianus Mithr. 96. Quod si constat, colonos illos Dymam pervenisse confecto bello, et Strabo testatur, id factum esse, «μικρὸν πρὸ ἡμῶν», quomodo fieri poterat ut idem alio loco diceret piratas esse deletos ipius aetate? Quae difficultas statim removebitur, si modo recte interpretati erimus Strabonis verba. Schroeterus enim videtur ignorasse linguae Graecae legem illam, per quam non licet verba, quae sunt μετὰ δὲ τὴν τούτων κατάλυσιν ἐφ' ἡμῶν ἤδη ita interpretari, tamquam si legeretur μετὰ δὲ τὴν τούτων κατάλυσιν τὴν ἐφ' ἡμῶν ἤδη γενομένην. Immo illud ἐφ' ἡμῶν ἤδη coniungendum est cum verbo ἐκάλουν atque ita vertendum: ,quibus deletis

¹ Schroeter, Bemerk. zu Strabo, Lips. 1887 p. 1.

Teucrici dicio nostra aetate appellari iam coepta erat¹ ut recte sensit Falconer.

Quod si corrui Schroeteri sententia, nihil obstat, quin cum Niesio putemus, Strabonem natum esse anno a. Chr. n. 63. Apollodorus igitur necesse est post id temporis ediderit Parthica.

Iam restat ut quaeramus, *ante* quem annum scripserit Apollodorus. Quodsi Posidonius in iis libris, qui ἱστορίαι¹ vulgo vocantur, auctorem adhibuit Artamitenum (cf. p. 34 ss.), sequitur Parthica esse edita ante annum a. Chr. n. fere 49, si quidem Bernh. Seppius¹ recte arbitratur Posidonii historias esse compositas intra annos a. Chr. n. 49 et 44.

Igitur Apollodorus Artamitenus Parthica videtur edidisse intra annos a. Chr. n. 63 et 49.

¹ Blätter für das Bayer. Gymnasialschulwesen, vol. XVIII p. 398.

~~DUE FEB 1st 20~~

G 793

De Apollodori Artamiteni reliquiis

Widener Library

004012735



3 2044 085 078 798